

CLYPEVS  
 INNOCENTIAE  
 ET VERITATIS  
 DAVIDIS HILCHEN.  
 SERENISSIMI SIGISMVNDI III.  
 POLONIÆ ET SVECIÆ REGIS Secre-  
 tarii. & Notarii Terr. Venden.

*Contra*

*JACOBI GODEMANNI LUNEBUR-*  
*gen. Et Rigenfum quorundam, Senatus nomine*  
*ad proprium odium abutentium, cum iniquissi-*  
*ma crudelissimaque quadam decreta, tum*  
*alia calumniarum tela, editus.*

ZAMOSCII  
 ANNO DOMINI.

Millesimo Sexcentesimo quarto.  
 Et Ruyni Imperante ALEXANDRO Semper  
 Augusto MDCCCI.

PIGRAMMA.  
AD GENEROSUM D. DAVIDEM HILCHEN  
S. R. M. Secretarium & Notarium Terrestris,  
Vendensem.

Vt parva ex scintilla incendia maxima surgunt.  
Inuidiæ sic flamma ex parvo fomite surgit.  
Ciuibus ingratis si quando candida sese  
Exhibuit virtus, verosque ostendit honores.  
Ardeat inuidiæ quamvis fævissima flamma,  
Virtutem absumet nunquam, se absumet at ipsam.  
Nec tu fortunæ tanto te vulnere stratum  
Esse puta Hilcheni, tua quin se innoxia virtus  
Inuidiam ponat supra, vincatque mali vim.  
Leniet ipsa dies, venietque acerrima vindex  
Justitia, vtricemque moram cum fœnore reddet.

Simon Simonides Za-  
moscij fac.

# CLYPEUS INNOCENTIÆ & VERITATIS.



**N**Vltis fortunæ telis hominum vitam expostam esse , qvi scripsit , vere & sapienter eum scripsisse , vt plurimorum omnibus temporib⁹ inopinati , inexpectatiqve casus ; ita non minus meus fortassis præsens comprobare potest .

Cum n. ab ineunte ætate ita vitam instituisse , vt innocentia qvidem atq; integritate omnes , patriam vero civesq; meos , omni etiam genere meritorum mihi devincirem , qvid minus expectandum mihi fuit , quam tantum qvorundam Rigen. odium , qvi omnibus a me officiis culti , cum grati animi memoriam perpetuam mihi sancte polliceri , soliti fuerint , nunc partim magna parte fortunarum mearum me everterint , partim vita , qviq; carior vita cuiq; esse debet , honore omni , vi violenterq; exuere me conantur ?

Tuli hæc hactenus , si non tam æqvo , vt debui , forti certe animo . Primum n. ab iis profecta ea videbam , qvorum ego calumnias tot summorum virorum , atq; Regio etiam testimonio sæpe ornato , meis deniq; cum in S. R. M. & Regnum , tum in ipsam Civitatem Rigens. adversariosq; adeo meos ipsos , meritis apud plerosq; notus , ob obscurita-

tem, malignitatemq; eorum facile contemnere possem. Deinde vero expectatione cognitionis, æqvissimiq; Iudicij Regii, in qvod Adversarii mei aliquoties iam vocati a me sunt, me sustinebam.

Verum, cum crudelitas adversariorum meorum eo iam progressa sit, ut non solum Regia, primariorumq; aliquot Senatorum Regni autoritate, omni denique æqvitate spreta, decreta quædam, in me legitime nunquam vocatum, auditumque, Iudicio deniq; iurisdictionive eorum minime subiectum, nullo iure, ordineque, iniquissime, & nulliter promulgarint. Verum eadem convictionia potius quam decreta, aliaq; famosa scripta, typis mandata, apud exterorū etiam plerosq; ex instituto spargant, nihilq; omnino præterinittant, quo & me in gravissimum odium & famam existimationemq; meam, in dubium apud omnes vocent; adversariis ipsis meis crudeliorem in me meosq; liberos futurum me statuebam, nisi innocentiam meam, publico ipse etiam scripto testata apud omnes facerem.

Ita autem faciendum id mihi puto, vt cum & ipsa a me necessitas id expressetit, & apertissimæ æqvissimæq; causæ, nullis coloribus opus sit, quam brevissime planissimeq; faltem rem ipsam, quæque ad hoc temp⁹ in causa hac intercesserint, narrem.

Nam neq; simplex veritatis oratio ullis argumentis eget, & quo animo, fide, iure, quidq;

actum sit, nihil certius, quam ipsa res narrata ostendere poterit.

Itaq; cum a Senatu Rigenſi ab Illustriss. D. Zamſcii Regni Cancellarii & Summi Exerc. præfecti aula, ad quam viſendam a literarum studiis reverſus tum diverteram, vocatus, per quindecim annos, diversis eius temporib⁹, vel ipsorum adverſariorum meorum teſtimonio, fidelem, & quod, ſine superbia dicere poſſim, utilem imprimis operam Civitati navafem, prium Secretarii, inde Syndici munere fungens, tandem Notarius Terr. Venden. a S. M. R. creat⁹, Jacobum Godemanum Luneburgen. ad Viceſyndicatum promovi.

Offendebatur ea re Nicol. Ekius Consul, ut qvā vel generum muneri ei destinasset, Præcipuam autem in me odiū cauſam habebat. Quod cum aliquid vando centum vafa carnis ſalitæ, portorio S. R. M. non ſoluto, clam exportaſſet, resq; delata, verbaq; de eo in Senatu facta eſſent, a me qvoq; pro loco fideq; mea vel liberius notata, vel non probata ſaltem fuſſet: Odium id cum Godemanno, qui ex cliente ænulus, obfrectatorque meus factus erat, facile eum coniungit.

Eo maiorem autem ſpargendi exercendiq; vene- ni ſui facultatem naſti, quod toto fere anno, vniuersali Commissioni Livonicæ, ad quam alii Commissariis Regiis adiut⁹ eram, vacans a Civitate, negociisq; Civitatis aberam.

Accidit interea, vt nonsolum aculeate seditione; sed barbare etiam scriptæ nomine Senatus. literæ qvædam ad Commissarios delatæ, non parum animos eorum offenderent: qva de re cum pro officio meo Senatum monuissem, vtq; maiorem post hac literis cautionem adhiberet, hor-tatus fuisse, qvamvis neminem nominasse; Godemannus in me tamen mox erupit.

Præter alia convicia, mendacium mihi obiicit, ad extreñum ad manus etiam me provocat.

Qvib; a me contestatis, cum aliquanto post, in suburbio obvium habuisset, resq;ve ad mutuam contentionem progressa fuisset, scutica leviter a me pulsatus fuit. Ex hisce scintillis, omne ian-cendum ortum. Ekius n. peculatus in se a me notati memor, mox præclararam occasionem Go-demanno suisq; hanc esse demonstrare: per qvam non modo Civitate, sed vita etiam exterminari possem. Itaq; coniuratione in caput meum cum Godemanno, & paucis qvibusdam aliis facta, ni-hil præter discessum Commissariorum Regiorum, qvorum respectq; nonnihil eos adhuc continebat, exspectare.

Anno D. DC. die xxiv Mensis Januarij cum a Nobilitate Livonica ipse etiam ad Comitia Re; ai Legatus electus, ad iter me iam præpararem, Eki-tus die nefasto, vt qvo neque Senatum cogi, neq; iudicia exerceri, neque qvicqvam publicæ rei geri

soleret, extra ordinem Senatu convocato, me quoque tanquam ad familiare colloquium, in curiam vocat. Nihil omnino suspicans, vel cuiusquam rei mihi conscius, venio. Godemannus, qui per illud tempus ab aliquot Mensibus Senatu abstinerat, mox ex cœmposito ipse etiam accurrit: totus anhelans, nihil magis metuisse ut videretur, quam ne in curia me iam deprehenderet: in me mox invectus, cum alia gravissima convicia in me coniicit, tum prodictionis etiam crimen innominatum mihi obiicit, intraque xxiv horas id se probaturum, sub capititis pœna profitetur.

Re tam nova pernotus, protestatione de tantis iniuriis interposita, ut Citationib⁹ legitime editis iudicium instituatur vrgeo, in primis vero ius Civitatis, quo accusator, quoad obiectum crimen probasset, loco mevetur: Tum Divæ Memoriæ Stephani Regis Decretum, quo Ius id civitatis confirmatum fuit.

Ekius inrerim ianuas omnes prætorii mox claudi, exit⁹ custodiri, stationesq; militum, qui præter morem paulo ante præsto esse iussi fuerant, in prætorio disponi, repagulaq; & feras obduci iubet.

Cum nullis exceptionib⁹ locum dari, a milibusq; & vi undiq; circumseptuim me videreim, partim conscientiæ meæ testimonio freg⁹, partiu criminis obiecti patientia adduct⁹, vel mox Iudici-

um me subitum offero: Godeman. duarum horarum spaciū ad probandum crimen sumeret: me ad diluendum quadrante horæ contentum futurum.

Absente Godemanno sententia in me fertur, qva ad viginti quatuor horarum tempus, qvoad crimen obiectum probandum ille sibi præscrips̄rat, non citatq; nulliq; certi criminis insimulatq; nedum convictq; extra omne iudicium ordinarium condemnor. Protestatus cautions, sponsores, vadesq; idoneos offero: tandem stante pede ad R. M. appello. Omnia frustra. Ad meam alia nova iniuria adiicitur. Franciscus Neustedius proconsul, vir & septuagenariq; fere & optime meritq; qvod socer mihi adesset, summa cum ignominia una mecum in curia retinetur: cives ad arma mox convocantur: portæ civitatis hora septima matutina aperiuntur solitæ, conclusæ tenentur.

Non solum Ill. ac Mag. D. Farensecius Palatinus olim Venden. qvi in arce Rigensi tum erat, req; tam nova perturbatq; convenire me volebat: verum vxor etiam liberi familiaresq; ab aditu aliquidq; meo prohibentur. Vxori ciulanti Ekius insolenter respondet, vitam mariti tenui filo pendere. Quatuor nobilium præcipuorum sponsionem quam ultro offerebant, non sine contumelia reiūcit: Cui rei inquiens, usui vobis opera poterit esse eius, qvi iam condemnatus est. Cum tempus viginti quatuor horarum iam elapsuū,

nihilq; interim contra me probatum esset, dimissione m<sup>r</sup> vrgeo. Idem pro me defunct<sup>o</sup> Palatinus Venden laudatæ Memoriæ facit.

Ekius cum non sine sui capit<sup>i</sup>s periculo secus quam sperasset, in meæ vitæ periculum creare se posse existimasset, a gladio, cui me iam destinarat, ad conditiones transit: compositionem proponit, & s<sup>r</sup>vatet: conditionem autem hanc fert, ut Godemannum illico deprecet, proditionis sine certo nomine criminis, ab eo incusatus; non magis impudenter quam astute. Atq; hoc est, quod iactare in me solet, cum compositionem s<sup>r</sup>valisset, a me reiectam fuisse: quam ego quidem non repudiavi, sed honestam: deinde vero ut certum proditionis crimen nominaretur, vrsi, neq; absq; populo. solum Senatum de proditione transigere posse ostendi.

Ekius quidem cum aliquoties, quodnam illud proditionis crimen esset, vrgeretur, aliud nihil cum haberet, tandem in Privilegiis errorem commissum esse respondit. Ob errorem quidem, in proditionis crimen aliquem vocari, novum: sed ne error quidem ullus ostensus.

Dum hisce de reb<sup>o</sup> vltro citroq; in curia agitur, variæ interiūm voces ab adversariis spargebantur: properandum scilicet esse: non mordere canem mortuum: neq; prolem meam, ut q<sup>u</sup>æ puerili ætate esset, extiniescendam esse.

**Q**vibus ad laudatæ Memoriæ Palatinum Vend. delatis, iis excitatq; præsentesq; periculo meo commotq; comitatq; in curiam venit, fores sibi oculudentes per Capitaneum Ridwan. optatissimæ Memoriæ Scotum removet: vt sine mora me dimittant, postulat. Illi metu perculsi me dimittunt: prius tamen istius violenti actus abolitionem & cautionem de iudicio intra sex septimanæ, post comitia iterum sistendo, extorquere a me conantur. Sed cum cautio a scriba Civitatis delineata, quod sero iam esset, exscribi tam cito non posset, subscriptionem in diem seqventem differunt: quam tantum abest, vt tantam iniuriam passq; libertati restitutus præstandam putarem, vt potius in vicino Iudicio Castren. de tam atrocibq; iniuriis mox protestarer, protestationemq; eam per publicum Notarium, ad factiosam illam Senatus partem mitterem. Eam illi factiosum libellum vocant.

Ekius iudicium metuens, sub persona Senatq; inquisitionem in plerosq; familiares convictoresq; meos instituit; si forte cum nihil adversariq; haberet, quo, quamvis incertum, obiectum tamen crimen probaret, publica auctoritate eruere aliquid posset, quod vel probabiliter saltem in me coniiceret.

Hic si cum Godemanno communicata consilia, adversarii mei, non habuerunt: si in necem

meam vna cūm illo , ante non conspirarunt: si eandem cum illo causam non egerunt: nec p̄meditatum instructumq; cum illo facinus in me depropterunt: vnde extraordinarius ille in curiam Senatus conventus , meiq; ad illum sub specie colloqvi invitatio? vnde Godemani per aliquot menses a curia ante hac abstinentis , subit⁹ repentinusq; interventus? qvis illi vel Senatum convenisse, vel me in curia esse , tam subito nunciavit? qvam ob causam miles , priusqvam in curiam conveniretur , p̄stō esse , curiamq; obſidere iussus? portæ ac si hostis ad urbem esset clausæ? Voces capitales in me sparsæ? inquisitio deniq; seu indagatio criminis a Godemanno mihi obiecti , Senat⁹ auctoritate in me facta? Quid ad Senatum probatio criminis a Godemanno mihi intentati? quid ei⁹ intererat, si qvemadmodum nunqva potuit, aut poterit, probare nihil in me Godemannus posset, vt inaudita fere ratione, examine extraordinario convictorum meorum in absentem me instruere cūm vellent?

Si vero ex omnib⁹ hisce in caput meum cūm Godemanno illos coniurasse, & vt odia , ita causa etiam coniunctionem cum illo contra me habere , ita aperte constat, vt nihil apertig esse possit, vt de aliis omnium rerum illarum nullitatis causis, nihil iam dicam , qva non dicam conscientia, sed fronte cūm omnib⁹ reb⁹ capitalius odium , qvam

**Godemannus** ipsi in *me* præferant, Iudices tamen meos se faciunt? decreta in *me* ferunt? odiumq; in *me* suum, Magistrat⁹ etiam, Iudiciorumq; autoritate partim obtegont, partim armant? Verum ut ad rem redeam, editæ deinde a *me* in illos sunt Ciationes Regiæ. Qva n. alia ratione tantam iniuriam *meam* perseguverer? Scripsi simul ad Senatum: rationes consilii *mei*, modestissime per literas Senatui explicavi: ne alienam litem, suam faceret. In eandem sententiam ab Illustris etiam D. Zamoſcio supremo Regni Cancellario exercituimq; Generali & Reverendiss. Vicecancellario Regni D. Petro Tilicki Episcopo nunc Cuiavien. admoniti fuerunt. Verum saniore, modestioreq; parte Senatus, Ekii factione oppressa, constrictaq; non modo omnia frustra furerunt, verum ex iisdem etiam literis, redditio- neq; earum, nefrio qvas novorum criminum, seditionis, falsi aliasq; vinbras sibi excogitarunt, confuxeruntq;. Venit interim dies Iudicii Regiæ: In quo si æqvam, si iustum causam haberent, si deniq; ego is essem, qem *me* singunt, qid vel ad odium ipsorum in *me* explendum optatiq;, vel ad extimationem gloriosiq; esse illis debuisset, qvam in publico quasi illo theatro & suarum actiōnum causæq; æqvitatē, & *mea* illa scilicet tam atrocia crimina in locem proferre, demonstrareq;

At illi homines sapientes prudentesq; qvod

*proprium reorum est. Iudicium fugiunt, forum  
qve Regis declinant.*

Is tum status Livoniæ erat, & nunc fortassis adhuc est, minime ut mirandum sit, si S. R. M. in causa quamvis liquida, pro divina sapientia sua, temporibg tamen aliquid dandum existimat. Itaq; causam ratione detentionis, appellationis, & cautionis contra adversarios meos a me institutam, ad frequentiorem Senatum Regni decreto suo reiecit: unicam duntaxat causam privatam, qvæ inter me & Godemannum intercederet, qvoniam Rigæ cæpta esset, ad Senatum Rigen. remisit. Ita tamen, vt legitimo Iuris processu, citationibg legitime editis, de iniuriis, quæ inter nos intercederent, ageremus, libereq; adeo causam agere liceret. Eodem n. decieto, me, procuratores, mandatariosve meos fide publica ad finalem vsque causæ decisionem munit, sanciens ne qvicquam violenter, sub qvocunq; prætextu contra me meosq; tentaretur, sub pænis in violatores salvi conductus Iure publico sanctis: simul libertatem in Civitatem veniendi, apellationemq; nullo vel rei iudicatae, vel qvocunque alio prætextu obstante inibi permittit.

Dum in Iudicio Regio inter nos contendim, circa decimam circiter Iunii anni DC. adversarii mei nullam habentes rationem, litem in aula Regia præoccupatam, quamvis legatos suos ad iu-

dicum id prosequendum in aulam misissent: eodem tamen tempore Rigæ sub noīpine Senatus contumeliosissimam in me citationem ad valvas Curiæ affigunt: quove maiorem dedecoris laborem mihi aspergerent, per aulas Principum aliquot exterorum complura eius exemplaria spargunt.

Editum mihi a R. M. mandatum ad illos furerat, ut quicquid eiusmodi citationum vel editorum, post interpositas Citationes promulgatum vel in libros ab ipsis relatum esset, omne tollerent, abolerentq;: si Rigam ipse venire agereq; vellem, quod meo arbitrio permittit, suis quoq; literis mihi, meisq; securitatem Senatus Rigen. præstaret, literas salvi conductus Regii publicaret, servaretq;, testes testimoniaq; quib⁹ op⁹ habereim, exciperet: eorundem atq; aliorum documentorum ad causam necessariorum, quoties vſus id postularet, sub sigillo copiam mihi faceret: vſum notariorum & ministerialium non negaret, impeditive: appellations admitteret: ab armis deniq; armatisq; cogendis abstineret. Quæ omnia, præterquam quod edicto Regio illis injungerentur, cum ipsi⁹ etiam Iuris atq; æquitatis essent, ne vnum tamen horum ab illis vel permissum m̄xi, vel præstitum.

Denuo Illustriss. D. Cancellarius Regni: dnuo Reverendiss. D. Vicecancellarius ad compo-

pendam intra privatos potig parietes rem totam,  
amicos eos hortantur. Surdis fabula.

Præscriptum Regiæ Maiestatis fecutus, Citatiōnem contra Godemannum mihi edi a Senatu per Mandatarium meum postulo, qvā, vt tanquam actōr, ad obiecta probanda, se sisteret, eum citabam. Illi, Godemanno actōratum cūpientes, citationem contra me illi edunt: & ad superiorem contumeliosissimam citationem, qvam ex edicto Regio abolere debebant, alteram, priore multo adhuc contumeliosiorem ad valvas Curiaz publicæ proponunt. Aliqvt dieb⁹ post, tandem mihi quoq; citationem edunt, antiquiore die in illa scripto, quam Godemanni fuisset. Aliis etiam rebg eos in edendis iis se præstiterunt, facile vt appareret, quod ab initio mox, & per omne deinceps tempus in toto hoc negotio aper-tissime præ se tulerunt, non Iudices eos Gode-manni, sed causæ socios & actores esse.

Me, qui, quod sine invidia dictum velim, honesto semper loco, cum apud ipsos, & Nobilitatem Livonicam, tum apud summos plerosq; viros: Regiam deniq; Maiestatem, Dominum meum clementissimum ipsam semper fuerim, Deiq; beneficio, præterquam adversarios meos, apud omnes adhuc sim, de cuius possessionibus, pro privata fortuna mea satis idoneis, omnibus constat: cuius deniq; ea in Civitatem merita extant,

quæ ipsi prædicare satis antehac non potuerunt, tanquam hominem vagum vilemque citationibus ad valvas Curiæ affixis, citant: Godemanno homini externo, ac pene ignoto, nullis possessionibus, nullis meritis, nulla fere certa fide S.R.M. patriæ, civitatisq; devincto: non nisi legitime tam domi eius traditi citationem mandarunt: illum honorificentissime in citationibus iis compellant: me, vel sine villa honoris præfatione, vel tanquam infamem condemnatumque, idque in citationibus iam ante iudicium. Ipse omnino ad iudicium adesse constitueram: verum cum neque, ut peculiarem salvum conductum, iuxta Mandatum Reg. universis & singulis Magistratibus inscriptum mihi redderent, neque acta x Iunij & xiiij Augusti maxime ad causam necessaria mihi ederent, impetrare posse: præterea vero ministros aliquot meos, in hisque unum, atque alterum nobilem Polonum Rigam a me missos, in carcere detrusissent, vulnerassent, vestimentis extutos literis repertis spoliassent, non solum ego, sed amici etiam plerique, suminiisque aliquot inter eos viri, ut sine fide publica, tantæ hominum illorum oppressam tyrannide sua civitatem tenetium iniquitati atque furori me obiicerem, nec tutum nec integrum mihi esse existimarunt.

Accedebat huc, ut in eundem diem iij. nimis Octobris, qui iudicio Rigæ præsulatus fu-

erat, Iuſtratio expeditioque bellica contra Carolum Sudermanniae Ducem in Livoniam tum ingruentem, edictis Regiis, omnib⁹ Livoniæ incolis, sub amissione bonorum mandata incideret. Quib⁹ cauſis adducti Senatores & Nobilitas Livoniæ, maxime cum ſecundum ius commune decretuinq; & Mandatum Regiæ Maiestatis per Mandatarium profequi iudicium possem, ne Rigam ipſe irem, vltro scripto ſuis manib⁹ ſignisq; confignato ferio mihi interdicunt. Simul legatos Casparem Młodaski Smiltinen: & Bertramum Holtschur Cremonen: præfectos: Conrad. Taube, Paul. Iablonowski, & Laurent. Offenberger ad civitatem mittunt: illis mandant, ut compositionem prius adhuc tentent: tum cauſæ meæ ipſi etiam adſint: maxime autem, qvodnam illud proditionis crimen a Godemannō mihi obiectum eſſet, perqvirerent, cognoscerentque.

Compositionem mox reiiciunt adversarii: advocatum ex ipſa Prussia uſque, consiliarium Illust. Principis Doctorem Ioannem Myrandrum, cum nihil eorum illi tribuerent, qvæ vi decreti edictique Regii edere debebant, eludunt, ad iudiciumq; omnino non admittunt.

Citaveram in Iudicium Regium, Nicolaum Ekium cum tribus aliis tanquam complices. Eos cum tanquam partem cauſæq; ſocios removeri puit, reliquus Senatus potentia tyrannideq; Ekii

constrictus, nullum iuslissimæ petitioni locum dat: tandem in exitium sanguinemque meum plane coniurati, ut ipse personaliter compaream, decernunt.

Opponit advocatus meus Godemanno in primis Decretum Mandatumq; Reg. omnia deniq; Iura tam regni quam Cæsareum & Saxon. literas præterea exemptionis speciales, quibus ad personalem comparitionem me non teneri docebat: si tamen fide publica sufficienter mihi Senatus caveret, ad futurum me offerebat.

Illi omnibus Iuris & æquitatis rationibus spretis, contumaciæ sententiam in me ferunt, vtque int̄a sex septuaginta publice Godemannum deprecer, revoceinq; & sumptus tam extra iudiciales quam Iudiciales ei refundam decernunt.

A qua sententia cum advocatus meus ad R.M. mox appellasset, libellumq; appellationis Senati obtulisset, Godemannus e manibus Burgrabiū arreptam, publico in loco pedibus conculcat: Senatus vero contra apertissimum decretum Regium non admittendam esse decernit. Ad castrum tamen Rigen. quod in tanta iniuritate extraordinem faciendum fuit delata, accepta annotataque fuit.

Interim Reip. causa ab Ill. & Mag. D. Farensecio palatino olim Venden. ad Illustriss. D. Regni Cancellarium missus, ut citationes ad prose-

quendas appellations mihi ederentur, insiti. Tempora Livoniæ turbulentissima, ut alia nonnulla, ita citationes quoque eas remorata fuerunt.

Sub eodem vero belli prætextu iam Mense Aprili A. 1601 Senatus etiam Rigen. omnium caesarum vsque ad D. Michaelis anni DCI, liimitationem a R. M. impetraverat. Appellatione nihilominus pendente, belloque maxime ardente, ad executionem tamen Decreti sui, contra me Reip. caesa tum absentem, neque ad eam rem adcitatam, procedunt, modo novo plane & inaudito. Ex Nobilitate aliquot & civibus, tanquam ad solennes aliquas nuptias invitatis, carnificem publice in prætorium introducunt. Ei vt quasi meo nomine revocationem turpem pronunciet, Godemannumq; instar sponsi ornatum deprecetur, mandent.

Quo exemplo consiliove, ne nunc quidem satis estimare possum. Si, quod dignum Gudemannum iudicent, quem carnifex deprecetur, non amplius inquirendum mihi puto. Si, vt mihi laberi aliquam aspergerent; qui minus mihi vel alii cuiquam sub Ekii aut cuiuscunque ex illis persona carnificem introducere aut ostentare liceat? quo ming deniq; quivis hoc facere posset?

Eo ne existimationi. honorive eorum, modo aliis rebus integrum eum conservassent, detrahi

quid posset? Sed hæc ita me movent, ac si me prætereuntein canis allatret,

Ratione sumptuum domum vxoris meæ sex millium florenorum, saceriq; mei Neustedii bona ei addicunt. Vxor tanta calamitate mœroreq; oppressa ac tum puerpera, ædes proprias deferere iubetur: liberi impuberes ad sanguinem usque cæduntur: insignia e publicis locis excutiuntur, prædium quatuor miliarib⁹ Riga distans, diripitur exuriturq;. Qvibus omnib⁹ quid aliud opponerem, quam querelas & protestationes? Finem iam hic expectabam.

Etsi n. superiora etiam omnia iniq; perperam, contra ius ordinemq; omnem iuris acta essent, quod tamen privata causa, vt quæ Rigæ cœpta esset, ad Rigenium cognitionem, salva appellatione a R. Maiestate remissa esset, qualeincunq; utique prætextum habere videbantur. Aliis autem omnibus causis, quæ inter me & civitatem intercederent, aut intercedere possent, ad frequentiorem Senatum Regium expresso R. M. decreto reiectis, cum alias etiam iurisdictioni eorum amplius subiectus non essem, quid minus expectare poteram, quam tot tantisq; iniuriis non contentos, ad novas alias atrociores maioresque transituros?

Sed aliquam fortassis bonorum famæq; partem, vitam denique ipsam reliquam mihi adhuc esse

videbant. Non satiata igitur superiorib⁹ contumeliis & iniuriis, crudelitate illorum, anno D. MDDCI die V Mens. Febr. Godemann⁹ delatore quasi constituto, citationem conviciorum maledictorumq; plenissimam, eodem qvo superiores modo, loco publico iterum proponunt. Diem iudicio tertium Mens. Aprilis Calendarii veteris præfigunt. Cum sub id tempus cum Illustriſſ. Dn. Regni Cancellario Varschaviā Zamofscium irem, in itinere casu qvodam exemplum citationis nactus, in proximo castro, de viciis processus iniuriisq; in me tam atrocibus, protestatus fui. Iam Carolus Kokenhauſium obſedebat.

Illi odio obexcitati, magisque in me qvam Carolum intenti, nullam Iuris publici, nullam Decreti Regii, nullam exemptionis, limitationis, appellationis, absentia, incompetentia, nullam deniq; belli qvo tota Laponia ardebat, rationem ducentes: dum officiis, muneribusque, ab Ill. Dno Regni Cancellario, & Exercituum Generali, mihi iniunctis fungens, in exercitu versor, dum cum vitæ etiam meæ periculo, Ducis iussu per præsidia hostilia circumcurso, & non inutilem, vt multis locis eventus docuit, fidelicem certe operam S. R. Maiestati ac Rei publ. navo; novum in me, superiore etiam crudelius, contumaciaz decretum ferunt, qvo tanq; Maiestatis in civitatem Rigens. convictum, capitio-

condemnant, proscribunt, aqua & igni interdicunt: vitam meam invadere eam & abrumpere volentis libidini, & vix non certo precio addicunt.

Verum priujo quidem decretum ipsum eorum, stultitia repugnantiaq; sua evertit. Nam eadem sententia, & respondisse me, & absente in contumaciam condemnatum pronunciant. Quid magis diversum repugnansque? Deniq; consensum in sententiam eam omnium Magistratum praescribunt: compertum me habere ignorant, ex Consulibus duos, ex Senatoribus complures consensum in eam praebere noluisse, sed homines sapientes facile eius rei remedium repererunt: novo inusitatoq; plane exemplo quintum Consullem asciverunt, vt paritatem votorum eluderent: ante insipientes, nunc insani. Deinde cum proditio biennio ante a Godemannio mihi obiecta, intra 24 horas probari debuisset, tanto tempore interiecto; in nullo tamen vel citationis, vel decreti capite nulla eius mentio fit. Alia colligunt omnia quidem fere post crimen a Godemannio mihi obiectum, nata: partim autem falsa: partim vanissima, vt quæ non modo crimen, sed ne suspicionem quidem criminis ullam praferant. Singula uno velut indice perstringam.

Primo. Privilegiis, libertatibusq; civitatis multipliciter me opposuisse dicunt, maxime autem quindecim articulos privilegiorum per libellum

amosum periculose interpretatum esse.

Si in Senatu , diversum ab aliquo sensi , oppo-  
suissetq; inde memet aliis dicunt ; nemo credo in-  
crimine ponet , sed libertate sententiae , quæ loci  
fidei que cuiusque propria est .

Cum vero , Q uo t articulos periculose inter-  
pretatus fuerim , indicant , non exprimunt autem  
Q uo s , quid ego dicam ? quainvis alioquidem  
scripto , quo sententiam istam suam declarant ,  
protestationem meam innui a se significant , in  
qua Ekium civitatis privilegia violasse scripsierim .  
Protestationem eam , post causam iam natam , cri-  
menque a Godemanno mihi obiectuim , ame in-  
terpositam , famosum libellum vocant : & quod  
de quindecim gravaminibus mihi allatis eam in-  
terposuerim , quindecim violationes privilegio-  
rum commisisse me arguunt .

O magnum crimen !

Secundo . Legationem me quandam impedire  
voluisse incusant , quo civitas Rigen . Terrestri  
iudicio & Tribunali Livonico , in quo ipse No-  
tarii terrestris munere fungerer subiecta , non  
immediate , sed mediate iurisdictioni R. M. subia-  
ceret : sed tamen & legationem successisse , &  
omnia ex sententia confecta .

Vt multa alia quæ dici possent , taceantur ; va-  
num totumque falsum esse , vel ipsum Ius Livo-  
nicum anno MDXCIX. trib⁹ Mensib⁹ ante quam

in me irruerent, auctoritate Commissariorum Regiorum a me conscriptum, manibusq; eorundem subscriptum docere potest: quo non tantum Rigaensis, sed omnes reliquæ civitates Livoniæ iudicio Tribunalis eximuntur.

Tertium crimen est, durante commissione generali Livonica, contra confœderationem varia de religione contentiones controversiasq; me mouisse. In declaratione sua ita crimen hoc explicant: Godemannum correcti Calendarii: Eki-um templi Iacobæi proditorem a me appellatum.

Primum diversa hæc: deinde falsa. Pro religionis quidem, cui addictus sum, studio, si libere sententiam meam de religione proferrem, non peccare me existimo: in religionis tamen libertate pacis & concordiae omnes nos memores esse debere scio. Utinam adversarii modo mei, eandem & religioni quam profitentur, & Reipub. sinceritatem præstarent.

Quarto loco, per seditiosos libellos in plateis repertos, manuque mea subscriptos, partim populo, partim Senatui inscriptos, perque ianuam insinuatos, perque alias adhærentes meos sparso, motum in civitate excitare conatum me esse.

Posthumum hoc & ipsum crimen, quemadmodum alia, post præditionem nimirum a Godemanno mihi obiectam, & integro fere anno post

natum. Vbi obsecro libelli isti fuerunt anno 1600 die 24 Ianuarii cum Godemannus intra 24 horas proditionem se probaturum recepisset, num tam perspicax ille fuit, ut anno ante posset scire, quid ego scripturus essem ad Senatum & populum?

Protestationes citationesq; meas, seditiosos libellos vocant. Scilicet in tantis iuriis tacendum mihi erat? Et tamen si quicquam in illis seditiosum repererint, nullam poenam deprecor. Vna ex iis Notario publico commissa, si illi excidit, & in platea reperta fuit qvid ad me? aut quod in hac re tantum crimen? Citationes primæ meæ per Neustedium sacerorum meum in prætorium missæ, adiunctæ iis erant, cum Ill. Dni. Cancellarii, tum Rev. D. Vicecancell. tum meæ etiam literæ, quibꝫ ne litem suam faceret, modeſte a Senatu potius peto, quam moneo. Redditæ ex fuerunt, quemadmodum moris ibi est, iuniori Senatori per ianuam. An hoc crimen? quod non per fenestram potig, cuīg tamen altitudo id non admittit.

Qvinto. Falsum nuncium nomine S. R. M. Varschavia ablegasse me ad civitatem, obiiciunt, quii mox atque venerit, Ordines civitatis, spectabilem Senatum, tribunos ac seniores populi, tempore seriato & extraordinario, præterea etiam vespertino convocandos curarit, cum tamen nulla negotia a R. Maiestate commissa habuerit,

sed citationes famosas, & inhibitionem duntaxat Regiam reddiderit.

Res ita se habet. Nunciis Rigensibus, seu adversariorum meorum diu laborantib⁹ variisq; modis impedientib⁹, ne citationes contra eos mihi ederentur, cum iure publico nemini eas negante, editæ tandem mihi fuissent: datus mihi ad eam rem expediendam, a Rev. quondam Archiepiscopo Leopolien. D. Io. Demetrio Solikowski familiaris fuit, Io. Owercowicz Nobilis Lithuanus: qui testib⁹ & Ministeriali, sub specie famulorum suorum adhibitis ( alias n. re intellecta, admissus non fuisset, ) die Sabbathi, nullis nisi Iudæis feriato, in primis mandatum S. R. M. deinde Illustriss. Dñorum Cancellarii & Vicecancelarii literas eis reddidit.

Ita n. illis visum fuerat, ut non prius citationes redderentur, quam litteris redditis, quib⁹ ad concordiam eos hortabantur, omnis spes concordia præcisa esset. Ad extreimum igitur citationes quoq; eis reddidit. Qvas, qvod famosas vocant, quonodo de crimine eo Cancellariæ Regiae obiecto se purgent, ipsi viderint. Utinam quidem ea ab illis in omnib⁹ rebus cautio adhiberetur, qvæ in Cancellaria Regia huiusmodi rebus, etiam nimia aliquando, adhibetur, cum nullæ nisi diligenter revisæ, correctæq; citationes ex ea edantur. Hic autem quod crimen?

novumne etiam, eos qui vel literas, Mandataq;  
scripta Regia tantum perferunt, & vocari nuncios  
& haber? Ad extremum: si error aliquis in  
ea re esset, meusne? aut eius, qui Mandata per-  
tulisset, nunciumq; se professus fuisset, esset?

Sexto Compertum esse dicunt, falsum me ad  
R. Maiestatem civitatem detulisse, quasi in fo-  
ceri mei Neustedii vitam bonaqtie vim intende-  
rent, falsaque narratione ea Mandatum 80 Flo-  
renor. Millium p?nam continens impetrasse,  
cum tamen ex actis appareat, Neustedium au-  
ctorem dissipationum istarum agnoscere se nolu-  
isse, sed in me omnia reiecisse.

Hoc ne etiam crimen, quod falsi esse volunt,  
in rerum natura iam fuit, cum aliquot Mensibus  
ante proditionem, Godemannus mihi obiiceret?  
In re h?c sunt. Ut ex manibus eorum cruen-  
tis evaderem, Neustedii fideiussione opus fu?.  
Ea conditione annuit, si cautionis formula, quam  
adversarii mihi pr?scripserant, prius ipse subscri-  
bereem. Non subscripti, nec sigillum appressi.  
Itaq; ne ille quidem. Ne tamen ab illis vexare-  
tur, vt Mandato Decretoq; Regio ei prospicere-  
tur, cuius magis curare fuit, quam meum? Et  
tamen in vano isto falso mihi obiicendo, quam  
multa ipsi falsa committunt? Dissipationes eas  
vocant, quod ab iis vexetur: res ipsa reclamat:  
inanib? litib?, quamvis lite pendente decretoqe

Regio præoccupata, fideiussionis eius nominine, quotidie fere a Godemanno infectat⁹ fuit. In ius non vocatus, arrestatus, indictaq; causa, eam solum ob causam, quod me condemnare innocentem noluerit, officio Proconsulari, quod ad vitale Rigæ est, motus, omnibusque honorum ornamenti spoliatus.

Non minus falsum, quod pœnam Mandato denunciatam dicant, de qua nullum in Mandato verbum. Verum hoc ad invidiam apud populum mihi faciendam, quemadmodum & illud, quod contra civitatem impetratum sit, cum ad solum Senatum pertineat.

Quod vero Neustedium iniurias sibi illatas agnoscere noluisse, sed in me omnia reiecisse, Acta sua habere dicunt, falsissima Acta sua esse ostendunt. Contrarium libelli citationesque a Neustedio editæ loquuntur. Ipsum deniq; Neustedum interrogent, an non aperte vim sibi & mihi illatam clamet? ne dum vt vocem contra me emiserit, vel emitat. An non magna aut impudentia, aut vanitas, aut stultitia est, testem nominare, qui mendacii ipsum producentem coarguat.

Septimum crimen & ipsum, eo tempore, quo proditio mihi a Godemanno obiecta, nec cogitatum quidein quod nomine Nobilitatis Livoniæ criminalem citationem contra civitatem pro-

curarim, qua novas & periculosas dissensiones inter Nobilitatem & civitatem excitare studuerim, quam tamen Nobilitas instar criminis falsi expresse repudiarit, & in me tanquam auctorem reiecerit.

Cum Nuncius Nobilitatis Livonicæ eo tempore essem, quo detentus ab illis fui, in communī Nobilitatis iniuria ad delationem quasi Nobilitatis, quemadmodum moris est, citatus eo nomine ab Instigatore Senatus fuit. Hic si falso Nobilitatis nomen obtentum fuit, non Senatus, aut cuiusquam alterius, sed ipsius Nobilitatis iniuria ista est. Quid ad te? vel ad crimen proditionis, quod mihi obiicis? cur nobilitas inecum, aut cum Instigatore eo nomine non agit? Vere autem omnia acta falsissima esse, quæ qvoad hoc crimen ab adversariis mihi obiciuntur, hæc quæ apud me sunt documenta, demonstrare possunt. Primo, protestatio Nobilitatis Livonicæ Marschalci, sub proprii ipsorum publici Notarii sigillo. nomine universæ Nobilitatis facta, qva iniurias ab adversariis mihi illatas detestantur, iureque ac iudicio prosequendas eas profitentur. Plenipotentia inde specialis plurium quam 50 ex Nobilitate manib⁹ subscripta: qva iniuriæ eius tanquam nuncio Nobilitatis mihi illatæ prosequendæ, potestatem Instigatori faciunt. Ipsig præterea Nobilitatis Marschalci Gothardi Ioannis

Tisenhausii scriptum testimonium: universæ de-  
piq; Nobilitatis Livonicæ testimonium, iam post  
*decretum* a R. M. ad instantiam Instigatoris latum,  
in publico conventu Venden. editum: quo diserte  
tota hæc obiectio tanquam falsa refutatur.

Octavum, inter alia posthuma, crimen, me in  
Comitiis Varschavienibus, conspiracyis contra  
Regnum, civitatem insimulare conatum fuisse, e-  
aque re non parvum odium nuncius eorum tum  
creasse.

Cum nuncii eorum quocunque modo poterant,  
in aula me tum oppugnarent, quid mirum fuisset,  
si cum illi omnibz rebz in odium me adducere  
conarentur, ego par pari illis retulisse? Tota  
tamen obiectio falsa. Contendisse me cum nunc-  
ciis eorum, interq; eos genero Ekii gravissimis  
adversariis meis non nego: civitatem suspicione  
ea involvere voluisse, nego. Proferent fortassis  
contra me protestationem. Proferam ego plu-  
res contra illos. Sed neque cum adversariis me-  
is contendisse, crimen puto: & si aliquid ea in  
re peccatum esset, quid vel ad crimen prodi-  
onis longe ante mihi obiectum? vel ad iudicium  
deniq; Rigensium res in aula Regia acta.

Nono, quod contractum Severianum, per quem  
tamen me solo fere auctore civitatem pacatam pro-  
fiteri soleam, tanquam iuribus Regiis præjudican-  
tem in iudicio Regio reprehenderim, criminatur.

Si de foro cum nunciis Rigenisib⁹ in iudicio Regio disputans, meo iure vſus, contra contractus Severiniani interpretationem excepi, ideone proditor habendus sum? Et qvidem eius proditionis reus, cuius multo ante, qvam ea exceptione vterer, incusatus fui? Neqve tamen Senatum ego incusabam, sed Ekium: cuin improbitatem eius arguebam abutiqve illum, non vti contractu dicerem. Ad extreimum vero denuo mihi dicendum, qvid res in aula Regia acta, non tantum ad proditionem, sed vel ad iudicium Rigenium?

Decium crimen, falsissimum: precio aliquot a me follicitatos, qvi ex adversariis meis aliquos vel tollerent, vel captivos abducerent.

Tantum crimen cuim verbo mihi tantum obiciatur, qvid aliud facere possum, qvam verbo id negare? Deuinque solum falsitatis huius testimonia invocare? qvi vt vnicus omnium actionum inspectoſ est, ita vt quisque reus alicuius criminis sit, punitor sit, precor. Qvod n. mihi falsissimum crimen intentant, in illis verissimum esse, non modo aliquot insignibus etiam viris planum facere possem, qvib⁹ aliquot nullia florenorum obtulere, si vel vivum, vel mortuum me illis tradereat: sed vel decretum hoc ipsorum loquitur. Neque n. occulte nunc, sed aperte mactari me iam iubeat, ac precio quoq; vitam meam addicunt.

Vndeclimum & unicum verum est, quod Godemannum percusserim. Verum hoc quidcum proditione commune habet? & quid deinde cum altero hoc iudicio? Nonne iam priore actione prosecut⁹ iniuriam hanc Godemannus fuit? Nonne per carnificem eo nomine illi satisfactum? In quo tamen ipso etiam mihi obiciendo, quod iterum falsa committunt? Eqvo me insidentem eum percussisse, falsum est: provocatus lacesti. tusque ab eo, descendit de eqvo: Armatum & multis famulis comitatum me fuisse, falsum. Visitato n. gladio accinctus, unoqve servitore comitatus sui: quemadmodum & ipsum, in publica causa, negotiis nimis Civitatis ad Commissarios Regios missum fuisse falsum. Vel privatæ, vel suæ n. rei causa in via, per quam alii etiam privati, fuit. Deinde ut maxime publici negotii causa ivisset, quid? Egone etiam privatus tum fui? nonne Legati etiam ab iniuriis in alios abstinere, neque lacestere alios debent? Similiter quod famulis, ut eum interficerent, mandasse me dicunt, falsissimum. Armis vti cum nollet, qui provocasset, scutica hominem leviter percussisse! Quid n. illum confodi iuberem, qui territus, ne repugnare quidem audebat? Hic si aliquid a me peccatum est, propterea ne omnibus fortunis, vita ipsa denique optime præsertim de civitate semper meritus.

mox evertendus sum? Statim me e numero viii  
vorum tolles? Quid? inter cives vestros rarae  
contentiones interveniunt? raro accidit, ut non  
modo in plateis, sed vel in medio foro, non mo-  
do verbera, sed vulnera sibi incutiant? E medione  
ideo mox tolluntur? Ne divinæ quidem & na-  
turæ legis talionis nimirum, in mentem vobis ve-  
nit: dentem pro dente: oculum pro oculo: non  
Saxonici Wergelti non statuti vestri: quod post  
annum elapsum homicidam etiam in civitatem re-  
cipi permittit. Verum ad XII crimen veniamq.

Duodecimo loco manifesti peculatus accula-  
tum a me Senatum, in decreto suo scribunt, ac-  
si centenis aliquot millibus florenorum civitatem  
defraudasset.

Primo iterum hic quæro, quid hoc ad produc-  
tionem? deinde cuius haec iniuria? quis accusa-  
tor? Senatus. Quis testis? idem Senatus. Ut  
ad rem respondeam, universum Senatum eius  
rei insinulatum a me unquam esse, absit: con-  
iuratostis, qui ærarium public. deprædantur:  
civitatem turbant: vexant: vastant: miseram ple-  
bem non minus exhausti, quam fallunt: O-  
mnia denique miscent, arguisse & arguere me,  
non nego, & si de iniuria sua in meo foro expe-  
tiri voluerint, non difficulter me demonstratu-  
rum confido. Non dicam iam quam ridicule,  
qui mihi in citatione peculatus crimen falso ob-

iecessent, nunc eo omisso, quasi ego Senatum peculatus insimulassem, cuius in citatione nulla mentio facta, in decreto me condemnant.

Decimum tertium crimen est, affirmasse me, nuncios Rigenses, in Comitiis anni DC. cum primario qvodam Regni Senatore, de primario qvodam nobili Livone capiendo, eique tradendo consilia miscuisse.

Hic primo iterum mihi monendum est, quemadmodum superioris, & aliorum nonnullorum, ita huius quoque criminis, nullam omnino in citatione mentionem fieri. Vos igitur quomodo criminis alicuius condemnare me potestis, cuiusne accusaveritis quidem? quodne in citatione quidem praescribere ausi fueritis? Deinde vero iterum atque iterum quero, quid cum proditione commune hoc habet? Si ego de nunciis vestris, non dicam aliquid dixerim, sed suspicatus forte aliquid sim? Iure publico Regni, crimen Maiestatis non nisi in personam Regiam solam committi, definitum est. Vos laesam Maiestatem scilicet vestram arbitramini, si quis non modo de vobis, sed vel de nunciis vestris quid suspicetur. Qvod tamen & quale sit, nescio. Cum n. ipsi quid dicant, vel nesciant, vel non explicit, ne ego quidem, quid respondeam habeo. Sequitur XIV crimen.

Viduarum nonnullarum & pupillorum qui patrocinio meo commissi fuissent, bona partim falso iuris praetextu me mihi vindicasse, partim sub comminatione privationis bonorum adigere eo voluisse, ut haeredem viuentibus adhuc sibi me instituerent, bonisque mihi cederent.

Totum vanum & falsum: vanum, quod eius criminis me condemnarunt, cuius non modo persecutor, sed ne accusator quidem, ad quem iniuria pertinuerit, ullus unquam extiterit, quamvis tanquam classico quodam omnes, ad accusandum me vocarentur ac ne criminis quidem, sed voluntatis tantum. Voluisse n. me, dicunt. Falsissimum autem, quod nulla unquam talis fraus mihi obiici poterit. Ita n. animæ meæ Deus misereatur, ut ego viduarum pupillorumque rebus summam semper fidem præsteti.

Vltimum crimen est, contra civitatem falsa instrumenta & testimonia confienda me curasse, ut præcipios Senatores Rigenses iis divellerem ac disiungerem.

Hoc quid esset, vere possum dicere, asseQUI me non potuisse: Ex declaratione postea eorum animadverti, examen quoddam testium in civili iudicio Varschavien. nunciis Rigensibus ipsis, tamen ad citatis a me institutum, ab illis significari. Instrumentum hoc illi vocant, & falsum dicunt.

A mē qvīd aliter fieri debuit, qvam ut legiti-  
me in iudicio testes sisterem, ipsos etiam nunci-  
os Rigenses ad id citarem? Reliqua non mea-  
cūra esse debuit, sed testimoniū, qvi dictorum suo-  
rum veritatem ipsi præstare tēnentur. Itaque  
qvīd stultius, qvam me eo nomine condemnare,  
qvo cūm producta testimoniā fuerint, contra  
ipsos testes exceptiones integræ illis erunt? Ve-  
ruim ita omnia illos deficiunt, vt cum omnia an-  
xie sollicitissimeque conquisierint, nihil omnino  
qvod vel cūm suspicione aliquā verosimilis cri-  
minis coniicere in me possint, reperiant. Et ta-  
men ita decretum suum claudunt. Præter hæc  
multa alia scelera contra civitatem probata sunt,  
documentis & testimoniis, qvæ nonnulli ex in-  
corruptis secretariis, notariis ac scribis, qvibus  
manus eiusdem probe nota est, vera esse recogno-  
verunt: qvæ etiam citatus ipse fuga & contumacia  
sua, & eo ipso, qvod salvum conductum pu-  
blice illi a Senatu denunciatum & oblatum repu-  
diarit, comprobavit. O frontem vestram ef-  
frontem!

Vosne si ullum verum crimen in me reperire pos-  
setis, id supprimeretis, vel silentio præteriretis,  
qui vanissima & falsissi. qvæq;, ac ne suspiciones  
qvīdem criminum, tam studiose colligeretis? Hic  
qvīd ego amplius dicam? Vanitatem, falsita-  
tem, nullitatem deniq;e omnium rerum hanc,

qvis non sua sponte mox videt?

Primum omnia crimina, uno scuticæ excepto, post contentiōnem, qvæ cum Godeinanno mihi intercessit, proditionemque ab eo mihi obiectam, qvam tamen intra 24 horas probaturum se receperat, nata.

Deinde qvæ crimina? qvæ non modo prodigionis, sed vel criminis alicuius speciem præseferunt?

Qvod iniuriam meam persecutus fuerim, qvod me defenderim: qvod protestando Iuri meo caverim: qvod testimonia ad causam meam necessaria in iudicio accipienda cūtarim: qvod contra detortas interpretationes privilegiorum a nunciis eorum adductas, iure meo usus exceperim: qvod ad R. M. appellarim: aliaqve similia pleraque, crimina vocant.

Quid aliud hoc est, qvam si qvis occidere volenti, iugulum non mox p̄beat, in crimen ac iudicium ob id vocari?

Qvod si ad ipsum etiam processum revocare qvis rem velit, vt nihil aliud sit, qvid magis iniqvitatem, nullitate inque omnium istarum rerum, qvam ipse processus demonstrare potest? Recte vt fecisse videantur, si cum crima nulla vera obiiceret mihi potuerint, iudicio etiam plane nullo eadem condemnarint.

Primum neque Actor, neque iudex competens. Nam vel ex ipso decreto Regio, neque Godemanus, nisi vnius causæ privatæ, quæ copta ante Rigæ erat, actor esse potuit, neque Senatus Ricensis Iudex. Ut de publico iam iure nihil dicam, quo iurisdictioni eorum nulla ratione subjectus esse possum.

Ordo deinde iudicialis, nullus omnino observatus: ter ab iis condemnatus, ne semel quidem legitime citatus ab illis fui. Nihil autem indignus, quam qui neque legitime citatus, neque accusatus, de eius capite, honore ac fortunis omnibus iudicare? Ne ipsis quidem citationibus ad valvas Curiaz affixis sententia conformis lata: plures articuli in sententia quam in citatione: nonnulli inter se contrarii sibiique repugnantes: plerique generales & obscuri: omnes falsi: ne dicam iam, contumeliis spurcissimis citationes refertas: & ante sententiam in ipsa citatione, sententiam in me ferri, meque condemnari. Quidam ne n. a sententia verba hæc citationis differunt? Tu es infamis, nihilque honoris amplius tibi reliquum est. Sententia, pendente limitatione, exemptione & appellatione mea, lata.

Allegationum deinde & probationum summa falsitas. Aperte ut dicam, si vnum articulum; excepto scuticæ tactu, probare possint, tota mea causa casurum. Plane id falsum est quod dicunt,

cautionis formulam, quam mihi præscribabant, a Neustedio & me subscriptam subsignatamque esse. Et tamen veriti non sunt nuncii Rigenses, producere in Assessoriali iudicio R. Maiestatis exemplar istius formulæ, sub sigillo civitatis editum, asserentes, literas originales periculi vitandi causa domini relictas fuisse.

Omnium autem falsissimum, quod fundatum illi sententiæ suæ ponunt, publice a Senatu mihi saluum conductum oblatum & denunciatum, a me repudiatum.

Nulla alia hic refutatione, quam ipso decreto eorum, quo saluum conductum expresse mihi negarunt, opus est. Verba decreti hæc sunt.

Quod saluum conductum attinet, ita declarat se amplissimus Senatus Rigensis, quod non tenetur Dauidi Hilchen peculiam saluum' conductum dare, seqvatur in eo Decretum R. Maest. & ius civitatis. Acta hæc sunt iij. Octobris Anno MDC.

Inspiciant ipsi Protocollum suum.

Et dubitabit iam aliquis hæc tam aperte falsa explodere ?

Accedit ad hæc omnia, ipsius sententiæ summa non solum iniqvitas, sed etiam stultitia.

In ipso exordio auditam fuisse, accusationem Godemanni, & respositionem meam dicunt, & tamen postea in contumaciam eodem decreto me condemnatum dicunt. Insignis amentia. Si n. respondi, qvomodo in contumaciam me condemnarunt? cur respositionem decreto non inferuerunt? Si non comparui, non respondi, si plenipotentein non nisi, qvomodo me respondisse sine rubore dicere possunt? videant qva ratione ab ista se se extircent repugnantia, me respondisse asserentes, & tamen neqve presentem fuisse, neqve plenipotente, comparuisse. Periisset iam pridem (vt ille vere ait) innocentia, si nequitiae iuncta fuisset prudentia. Dets innocentium tutor efficit, vt oppugnatores eorum contraria & inconsistentia dicant.

Ob huiusmodi igitur criminis & tali iudicio, qualem ex iis quae demonstrata sunt, qilibet agnoscere potest, pro manifeste convicto, pacis publicae violatore, seditioso, sicario, falsario, per iuro, ac hoste patriae me condemnant: bonis, fama, vita privant, aqua & igni interdicunt, proficibunt, in caput salutemque meam ad me interficiendum vltro ipsi omnes invitant: crucem ac torinenta minantur me ipsum vel excipientibus vel mentionem mei honorifice facientibus. Iudicium ne hoc est, an latrocinium?

Deinde unde ea Maiestas Rigenium? vix ea

civitates eo progrediuntur quæ summo ipse cum imperio superiore nullum agnoscunt. Vos ditioni imperioque Regio subiecti, hominem iurisdictionem vestram non agnoscetem, nobilium, atque in ordinem eqvestrem Regni Polonie receptum: Ministeriis Regis & Reipub. addictum: salvo conductu denique & exemptione munitum, appellatione iudicioque Regio pendente, condemnare, proscribere, omnibusque impune interficere iubere audetis. Nonne hac facta & usurpata vestra Maiestate, veræ Maiestatis Regis & publicæ læsæ apertissime crimen incurritis?

Nominis mei integritas, ruimpente etiam invidia, stat slabitque semper: quam dum maledictus opprimere voluisti, magnifice illustrasti. Verum hoc de re alijs agendi locus erit.

Intervenit non satiati tanta in me acerbitate, sacerorum præterea meum Neustedium ob fideliissionem illam, a qua deereto ipso Regio liberatus est, proconsulari loco movent, & bonis fere omnibus privant. Admonuit eos, quemadmodum supra ostensum est, officii Illustriss. Dns Regni Cancellarius Zamoscius: sed obfirmatio animorum ipsorum fecit, ut in indicium Regium a me deducerentur, citationibus Regiis contra Senatum & Godemannum editis.

In proximis Comitiis negotium a S. R. Maiestate, Reverendis. Dno Vicecancellario Regni

datum fuerat, contentionem hanc inter nos componeret: negarunt nuncii Rigen. facultatem se eius rei habere: daturos tamen operam, ut sine villa cunctatione re ad Magistratum relata, responderent. Sub haec, nomine R. Maiestatis, ut ab omni tamen interim vi temperarent, & viva voce & scripto eis interdicit: qvod illi facturos se receperunt.

Neustedius sacer meus securitate hac fretus, Rigam rediens, in praedio meo vicino Rigæ substitit. Illi me ipsum advenisse rati, praevente Rotgero Horst Ekii genero, mox manum armatam noctu ad trucidandum me mittunt: me non reperto, in praedio vastando, diripiendoque nihil hostile prætermittunt.

Interim cognitionem, quantum possunt, fugiunt: limitationibus impetrandis, ne sententia sua S. R. M. rem definiat, me ducunt: qvæ ipsa res, vtra pars, iustum causam habeat, satis aperte loquitur.

Illi, qvod proprium male sibi conciorum est, omne iudicium fugiunt, detrectantqve, Ego nihil magis peto supplicoqve, qvam vt innocentiæ meam probare, iniuriamq; perseqvi possim.

Vel nunc publice profiteor illisqve defero: si æqvam, si iustum causam fouent: si non dico tantorum, sed vel vnius criminis: scuticam semper excipio, convincere seme posse existiment,

vel ordinario Regio iudicio sine istis tergiversationibus, quas interponunt, mecum definiant: vel si in eo, sive minus aequo iure contendere se mecum posse existiment; cuius tamen causam nullam video: sive iurium rationumque ciuilium minus id peritum esse, non recuso, quin vel unius civitatis aliquius non suspectae, vel trium maiorum Prussicarum civitatum, vel quorumcunque denique bonorum virorum seu arbitrio, seu honorario iudicio, si idem ipsi faciant, totam causam permittam.


Quid amplius aut aequius ad innocentiam meam comprobandum iniuriasque summas, quas passus sum, demonstrandas, praestari a me vel debet, vel potest?

Hic igitur primo Deum O. M. deinde Maestatem V. Serenissime Rex, Domine clementissime, tuum vos Illustrissimi amplissimique Senatores Regni Poloniae & M. D. Lithuaniae, omnes divini & humani iuris actionumque humanarum Consultos, omnes denique homines appello, accipiunt causam, excutiant, perpendant. Si iuste, si meo merito tantam contra me crudelitatem exerceri agnoscitis, quid aliud quam fortunas meas miserasque ipse deplorabo, querarque. Si autem contra ius publicum: contra R. M. auctoritatem: Equitris ordinis libertatem: contra omnem denique aequitatem & humanitatem, in hominem non solum innocentem, sed quod sine iavidia

dictum yelim, de iis ipsis adversariis meis, & publice & privatim optime meritum, inique crudeliterq; acta omnia perspicitis: qvod perspicere quemque spero: pro suo quisque loco opem adferat supplicio. Neque tamen quicquam, nisi qvod æquissimum sit, peto, vt causa totum quadriennium (satis iam satis,) ducta, iam tandem iudicetur cognoscaturque, iureq; de iniuriis meis mihi satisfiat.

Duae maxime res sunt quæ ad misericordiam aetere merito unumque debeant. Miseria innocentis oblata: tum meritorum aliquorum memoria. Innocentiam meam ex iis, quæ commemorata sunt, patere uniuersique spero. Misericordia in oculis omnium versatur. Fortunis omnibus iniquissime crudelissimeque eversus, cum uxore & liberis in exilium actis, una solius Illustriss. Dni Regni Cancellarii & exercit. Generalis clementia ac liberalitate sustentor De meritis meis nihil equidem ipse dicere vel debeo, vel volo. Iudicium idem ipse Illustr. D. Cancellarius Regni de his fecit: cum & gentilitia insignia sua mecum communicavit, & in familiam recepit, & in proximiis Comitiis publice apud S. R. M. & omnes Ordines Universæ Reipub. facie, amplissimum de iis testimonium mihi perhibuit. Quæ, si ut spero, aliqua quæ me esse agnoscitis, ut innocentis subveniatis, supplici manum porrigatis, iterum atque iterum supplico.

Ne autem nudis verbis, nullaque probatione firmatis haec a me dici videantur, hisce annexa sunt pleraque Documenta, ad causam pertinentia, ex quibus, quæ fide & æquitate mecum actum sit, clare perspici possit.



# PLERAQVE DOCVMENTA

QVIBVS PRÆCIPVA TOTIVS  
negocii capita confirmantur & Adversari-  
orum criminationes feré omnes vno  
quasi indice refutantur.

INHIBITIO S. R. M.

SIGISMVNDS TERTIVS  
D. G. REX POLONIÆ &c &c.

Spectabilibus & famatiis, Burgrabio, Procon-  
suli & Consulibus Civitatis nostræ Rigen. fidelib.  
nobis dilectis, Gratian Nostram Regiam. Spe-  
ctabiles & famati fidel. nob. dilecti. Exposi-  
tuin est nobis nomine spectabil. Francisci Neusted  
Proconsulis Rigen. eum sub prætextu cautionis  
seu fideiussionis, pro generoso Davide Hilchen  
Secretario nostro & Notar. Terr. Venden. vicis-  
sign iudicio vestro sistendo, per vim quasi extor-  
ta, expositam esse periculis & insidiis, quas in  
personam, & bona eius intendere præsumpsistis,  
supplicatumque, vt autoritate nostra illi subveni-  
re dignaremur. Nos attendentes per tumultum  
a fid. Vestris omnia gesta esse, totum illum pro-  
cessum, qui Rigæ prædicto Secretario nostro in-

stitutus est ad nos iudiciumqve nostrum advocandum esse duximus, advocamusq; per præsentes, partibusqve qvarum interest, coram nobis terminum peremptorium, eo die, qvi in citationibus editis positus est, assignamus & præfigimus sub ammissione totius causæ. Itaqve Fid. Vestris serio mandamus, vt in causis suis vtrinqve subsistant, neqve qvicqvam in eis agere præsumant, nec bona eiusdem Secretarii nostri aggrediantur, & præsertim, ne spectabilem Francisc. Neustedt, sponsionis nomine vexent vel turbent, sed in pace & tranqvillitate iudicium nostrum expectent, sub pœna in violatores salvi conductus legibus sancita, subqve gravi indignatione nostra. Datum Warsaviæ in Comitiis Regni Generalibus, die xviii mens. Martii A. D. MDC Regnum nostrarum Poloniæ XIII Sveciæ vero Anno VII.

Sigismundus Rex.

Sigill. Regni maius.      Sigill. Lith. minus.

Matthias Woyna Nota-

sius M. D. Lith.

**DECRETUM S. R. M. PRIMUM**  
 Inter Generosum Davidem Hilchen, Secret. R.  
 M. Notar. Terr. Vend. Actorem, & Specta-  
 bilem Senatum Rigens. partemque adhären-  
 tem Iacobum Godemann Citatos latum  
 die 10 Iunii Anno MDC.

Ex quo, quam falso illud adversarii pro funda-  
 mento suar. sententiarum allegant, clare perspicitur.

**SIGISMVDVS III D. G. R. P. &c. &c.**

Significamus præsentibus Literis nostris quo-  
 rum interest universis & singulis, citatos fuisse  
 ad Nos, iudiciumque nostrum Literis citationis  
 nostræ: spectabiles, Burgrabium, Proconsulem,  
 Consulem civitatis nostræ Rigensis, ex officiis bo-  
 nisq; illorum omnibus, ad instantiam generosi  
 Davidis Hilchen, Secr. nostri & Notarii Terrest.  
 Vendensis, ad proseqvendam & continuandam  
 appellationem suam, a sententia eiusdem Senat<sup>9</sup>  
 Rigen. interpositam, & per eundem Senatum R.  
 non admissam, idq; in causa & actione per e-  
 gregium Iac. Godemannum, Actoris tunc mune-  
 re Commissarii nostri generalis in Livonia fun-  
 genti, tumultuarie ac violenter occasione cuius-  
 dam conficti criminis, coram eodem Senatu in-  
 stituta, in qua se actor non citatus detentum, &  
 ad cautionem fide iussoriam adactum fuisse qvi-

ritur. In qua causa spectabilis Senatus Rigenis, reieclis actoris moderni tam de termino, quam de foro, nec non de actoris incompetentia exceptionibus, euadem per 24 horas in prætorio civili detinendum esse censuerat. A quo decreto cum actor modernus ad nos iudiciumq; nostrum appellare vellet, eaudem appellationem denegaverat. Ad quam tamen nihil minus prosequendam idem actor modernus tam præfatum Senatum Rigen. quam memoratum I. Godemannum seorsimis ad citationum nostrarum literis ad nos, ut præmissum est, adcitaverat, prout ad citationes præfatæ, causæque istius processus, de præmissis latius testantur. In termino itaque hodierno Iudicii relationum nostrarum propriarum, ex receptione eius causæ, per assessores Iudicii nostri ad nos facta incidente, & hucusque continuato, partibus præfatis, Actore a moderna videlicet præfato Davide Hilchen personaliter, citata vero per spectabiles Henricum ab Vlenbrock Consulem, & Laurentium Eich Secretarium, plenipotentes, & internuncios suos coram nobis comparentibus, eumque terminum attentantibus, Actoreaque ex suis citationibus præfatis proprieante, atque contenta earundem citationum certis probationibus & instrumentis eo nomine factis confirmante. Citata pars producto Privilegio sereniss. Stephani Regis Antecessoris nostri,

qvo cautum est: qvod si quis civium vel incola-  
rum Civitatis Rig. Consulatus aut Advocati tam  
Civitatis quam Terrestris iudicium defugiens e  
Civitate iudicii mutandi causa secesserit & se alio  
in arces aut loca quæcunque Livoniæ, aut etiam  
Regni Magnique Du. Lith. receperit, ille vel illi  
ita fugientes in partem adversam, a nobis, aut  
Capitaneis, ac quibuscumque Magistratibus, in ea  
causa, nec citationem nec Arrestationem aliquam  
bonorum & personarum, aut ullum cuiusvis ge-  
neris rescriptum obtinere, nec citati ad instanti-  
am ita fugientium, in hoc casu comparere, aut  
in iuris processu, qui in civitate cœptus est, im-  
pediri debent, sed fugiens cum tota causa sua ad  
ordinarium Iudicium Consulatus aut Advocati  
Rigensis remittendus est, ) se coram nobis ad  
eas citationes procedere non teneri allegabat, cau-  
samque totam ad forum Rigense remitti postula-  
bat. Actore in contrarium replicante, se quidem  
privilegiis Civitatis non contradicere, sed ipsa  
Privilegii verba ad causam præsentem non servire;  
Primum enim se pro Iudicium competens defu-  
giente, vel iudicii mutandi causa e civitate sece-  
dente, atque in arces sese recipiente, censi non  
posse, siquidem quærendi, non fugiendi Iudicij  
causa, non fugerit, sed libere discesserit. De.  
inde Privilegio præfato locum esse in causis, quæ  
privato cum privato intercedere possunt, non vero

in iis, vbi quis de ipso Magistratu conqueritur, & vbi ipsum Magistratum illatæ sibi iniuriæ accusat, qui etiam h̄ic coram nobis, pro absente Godemanno respondet, atque litem fecisse suam existimatur. Itaque non posse aliud forum quam nostrum, causam præsentem sortiri, allegante. Citatis in contrarium. Actorem vltro appellatio-nibus omnibusque iuris beneficiis renunciasse, denique Servitiis Senatus juramento addictum esse, & in criminalibus causis, appellationibus, præ-sertim ab accessoriis sententiis iocum non esse, Neque sibi cum Godemanno quidquam esse in causa commune, sed Magistratum privilegia tantum Civitatis defendere, deducentibus. Quæ omnia actor refutabat, qvod neque foro & appellationi pure & iudicialiter renunciasset, neque pro Servo sed Officiali Civitatis censeri debeat. Tum quod etiam in criminalibus processibus terminos iuris & legitimum processum servare oporteat. Nos cum consiliariis nostris lateri nostro assidentibus, audita & perpen-sa partium controversia, eoque considerato quod Senatus Rig. ab Actore, ratione denegatæ appella-tionis detentionis, & ad cautionem fide iussori-am adactionis convenitur. Isque privilegia Civitatis opponit, atque causæ præsenti non ali-bi, quam Rigæ forum esse competens deducere intendit. Ideo ne quid vel nostræ Superioritatib;

vel privilegiis illius Civitatis decedat, eam quæstionem cum Senatu Rigenſi de foro ad frequenteri Senatum, salvis defensionibus partis utriusque, reiiciendam & prorogandam esse duximus, reiiciimus & prorogamus, partibusque terminum sententiæ nostræ audiendæ, sub frequenteri Senatus sessione conservamus. Interim vero decernimus, vt tam Senatus quam pars ab omni fide iussorum moderni Actoris molestatione ad decisionem usque nostram, prorsus abstineat. Porro quod attinet causam & actionem privatorum, quæ inter præfatum Davidem Hilchen & Jac. Godeman. coram Senatu Rig. exorta est, eam ad forum competens, ubi cœpta, Senatum videlicet Rigenſ. integrum remittiimus, decernimusque quatenus ibidem partes contra se Legitimo processu, citationibus legitimis, de iniuriis quas contra se habent, agant atque libere non ex vinculis causam dicant. Ad quam quidem causam usque ad eius determinationem finalemque decisionem nostram, nos Daviden Hilchen, eiusque Mandatarios, fide publica salvi conductus nostri, per præsens decretum nostrum assecuramus, Decernentes ne quidquam, violenter sub quoconque prætextu contra eum tentetur, sub poenis in violatores salvi conductus nostri, legibus sancitis sed libere ad iudicium, terminis observatis, accedat & recedat, in civitatem.

que veniat, & cum voluerit discedat, modo se pacate quoque in omnibus gerat. Appellatione ad Nos, tanquam in causa honoris & existimationis a sententia definitiva non obstante ullo praetextu rei iudicata, salvo: iuribus & privilegiis Civitatis, per hanc in negotio praesenti appellationis admissionem, non derogando, praesentis Decreti Nostri vigore. In cuius rei fidem & testimonium Sigilla Nostra tam Regni quam Magni Ducatus Lithuaniae praesentibus sunt appressa. Datum Varsaviæ Sabbato post Octavas S. S. Corporis Christi proximo Anno Millesimo Sexcentesimo, Regnorum Nostror. Poloniæ tridecimo, Sveciæ septimo.

PETRUS TYLICKI Epis. Culmen.

R. P. Vicecancell. Relat.

### MANDATUM S. R. M.

Ad Senatum Rigensem locis publicis affixarum Citationum abolitionem, vitæ securitatem & Actorum editionem continens.

Quorum ne vnum quidem ab illis vel praestitum mihi, vel permisum.

SIGISMUNDVS TERTIVS

D. G. REX POLONIÆ &c. &c.

Spectabilibus, & famatis Burgrabio Proconsulibus

& Consulibus Civitatis Nostræ Rigenfis, fidelib⁹  
Nobis dilectis, Gratiam nostram Regiam.

Spectabiles & famati fideles Nobis dilecti!

Graviter apud Nos conquestus est generofus David Hilchen Secretarius Noster in Livonia & Notarius Terrestris Vendensis, quod cum illi aetio certa coram Nobis cum fidelibus vestris intercederet, cuius decisio suspensa & in aliud tempus reiecta a Nobis est, nihilominus tamen stante & præoccupata coram Nobis ea lite citationes contumeliosæ contra eum editæ locisque publicis affixæ sint. Quod cum præter iuris ordinem sit factum, fidelibus vestris ferio mandamus, vt quidquid eiusmodi citationum vel edictorum, post interpositas ab eo citationum literas, contra eum editum vel protocollis inscriptum est, sive processus aliqui super iis subsecuti sunt, sive non, vt ea omnia Fid. Vestrae cassent & aboleant, ac iuxta tenorem verborum Decreti Nostri, partib⁹ quarum interest Actiones integras, legitimo processu, Citationibus legitimis instituendas relinquant. Quidam autem idein Generofus D. Hilchen veretur, ne potentia quorundam in civitate illa per vim opprimatur, quainvis illi eo nomine Decreto Nostro præfato sufficienter cautum esse videatur. Eorum tamen esse censemus, vt Fid. quoque Vestrae si ille Rigam venire personaliterque agere voluerit, suis quoque literis

Securitatem quam fieri potest sufficientissimis eidem eiusque Mandatariis, Procuratoribus, Famulis & Notariis caveant, literasque salvi conducto Nostri publicari curent, easque obseruent. Denique ut eo commodius se se defendat, & in causis suis procedat, volumus. Fidq; Vestris mandamus, ut omnia Acta, Testimonia, Inquisitiones, pro eo & contra eum, ante factas, vel post faciendas, ipsi communicent, atque authentice, sub Sigillo Civitatis, extradant, eique non tantum de Godemanno, sed iis etiam, quos in iudicium vocaverit, ius dicant, iustitiamque indulatam administrent, appellationesque admittant, testes testimonia ipsius excipient, usum Notariorum & Ministerialium permittant, ab armis armatis cogendis plane abstineant, pro Gratia Nostra officiorumque suorum debito secus non faciant.

Datum Varsaviæ die xv M. Iulii a. D. MDC Regnorum Nostrorum Poloniæ tredecimo, Sveciæ septimo.

SIGISMUNDVS REX

Locus Sigilli R. P. & M. D. Lith.

Simon Rudnicki Sec. M.

LITERÆ EXEMPTIONIS

Quæ totum Processum Rigensem nullitatis vitio obnoxium ideoque nullum esse demonstrant.

IOANNES ZAMOISKI DE ZAMOSCIE  
 Regni Poloniæ Supremus Cancellar. & exer-  
 cituum Generalis &c. &c.

Vniversis ac Singulis Magnificis ac Generosis  
 Dominis cum Tribunalis Regni, & Terrestribus  
 Castrensis Iudicibus, tum civitatum Magistratib⁹  
 quibuscunq; salutem, studia officiaq; mea defero.  
 Significo præsentibus meis literis, Genetosi Dav.  
 Hilchen S. R. M. Secr. Terr. Vend. Notar. tam  
 a multis annis & fidem & industriam, & in non-  
 nullis cum Reipub. tam meis etiam negotiis, o-  
 peram in primis mihi ita probatam fuisse, vt nunc  
 etiam bello hoc livonico a Carolo Sudermannia  
 Duce Provinciæ ei, sine vlla iusta causa prius il-  
 lato, qvam indicto, eo magis vti illa, cogitem.  
 Eum igitur in familiarium mearum numerum,  
 albumq; recepi & vt in eum exercitu S. R. M. ad-  
 versus Carolum Ducem in Livoniam proficiscen-  
 tem, seqveretur, iussi. Qvod cum omnibus pu-  
 blice notum esse cupiam, hacce ei testimonii causa  
 literas dedi. Ab omnibus autem & singulis pe-  
 to, vt ipsum iure publico Exemptionis vti, frui,  
 gaudereve sinant, & si qvæ interea actiones eius  
 in Iudicium, aut ad Magistratum qvemcunque  
 adductæ fuerint, ex institutione proximor. Co-  
 mitiorum in duodecimam Dominicam diem a  
 dimisso exercitu proferant. Interim officia mea  
 D. V cominendo.                      Varsaviæ in Comitiis

XIII Martii Anno MDCI.

Io. Zamoiski Cancell. & general. exerc. Capit.

### EXEMPLAR TESTIMONII

Qyod generoso Davidi Hilchen Secr. R.M. Senatus Rig.  
die 19 Febr. A. 1598 sub Sigillo maiori Civitatis,  
anno vno, antequam in illum irrueret, dedit,  
quo vel solo scriminationes Godemanni fere  
omnes refelluntur.

Burgrabiis, Consules, & Senatus Civitatis R.  
singulis & vniuersis, iuprimis autem his, qvo-  
rum interest, notum testatumqve facimus. Qvod  
tametsi, Generosi Davidis Hilchen, S. R. M. Se-  
cretarii, nec non civitatis nostræ Syndici, erga nos  
& civitatem nostram, paſſim merita & beneficia  
tanta fint, & tam præclara: vt vel hoc literarum  
nostrarum testimonio pro dignitate satis enume-  
rari laudari prædicari & extolli, minime possint:  
nos tamen considerantes, qvam facile memoria  
bene meritorum, ex animis hominum effluat, &  
virtus omnibus telis invidiæ exposita, subinde de-  
pressa conspiciatur, ad officium nostrum maxi-  
me pertinere existimavimus, vt hoc monimenti  
genere, virtutein & merita Dni Hilchen, ab obli-  
vione vindicaremus, nullaqve temporis iniuria  
obrui pateremur, & tam ad liberos eius, qvam  
nepotes, præclaram nominis eius laudem trans-  
mitteremus, aliisqve omnibus ad virtutis studium

& ad bene merendum de patria calcar adderem⁹.  
Palam itaq; & ex intimo animi sensu fateim⁹, &  
bono conscientiæ fundamento innixi testim⁹,  
nos A. 1585 hunc ipsum nostr. Syndicū in aula  
tum ill. Dni supremi Cancellarii Regni, & Gene-  
ralis Exercituum Ducis, Dni Io. Zamoscii Do-  
mini nostri clemen. agentem ad hoc officiū munus  
suscipiendum invitasse, & pene attraxisse.

Qvod quidein ille qvamvis primo recusaret,  
cum propter intestina civitatis dissidia, tum qvod  
non ita pridem Illmo Dno Cancellario se addi-  
xisset: Victus tamen precibus nostris, & quantum  
deberet patriæ, recte reputans ad nos venit; &  
munere Secretarii apud nos per integrum quadri-  
ennium functus est. Quo qvidem tempore, cum  
turbulentissimus civitatis status existeret, plenaq;  
omnia seditionis essent tumultibus; ita ille fese-  
gessit, summa ingenii dexteritate illam gravissi-  
mor. negotiorum molem ita sustinuit, vt nemo  
operam eius ac studium, & in rebus agendis se-  
dulitatem applaudendo, non probaret.

In omnibus n. ad S. R. M. & Regni Ordines  
legationibus susceptis, hoc vnicum semper eius  
votum fuit, eoq; omnia consilia direxit, om-  
nesque suas orationes qvas ad Senatum Regni pu-  
blice habuit, eo retulit vt civitas in pace summaque  
tranquillitate conservaretur. Nec vero ullis ini-  
micitiis perterritus, qvas hoc nomine graves expe-

siri coactus est, nec duris quibusvis laboribus succumbens, hoc tandem obtinuit, vt & proscriptio nominis, famæ & bonorum, qvæ in civitatem erat parata, abrogaretur, salusque nobis omnibus, qui in magno quodam discrimine, & quasi in novaculæ acie constituti essemus, restitueretur.

Quod autem ad summam civitatis totius spectabat salutem, vt Illustres Comissarii summa cum autoritate ad componendum turbulentum civitatis nostræ statum, ex decreto comitiali Rigam allegarentur a S. R. Maiestate. Ordinibusque Regni ille exoravit, quibus omnes ex hoc dissidio ortas controversias, decidendi potestas data erat & commissa, iisque per Ill. & Magnif. Palat. Venden. Georg. Fahrensbach viam & aditum ad hanc ipsam commissionem exequendam ille præparavit.

Ac dum præsentes illi essent, & hoc commissonis munus Rigæ obirent, ille orationibus suis & scriptis, perpetuo labore, & assidua diligentia interdiu & noctu, tanto ardore mentis, tantaqve diligentia, negotia civitatis expedivit, vt eadem ad felicem optatumqve eventum fortirentur, & firmus super ea Severinus Contractus, quem ipse quoqve conscripsit, & in eo civitatis statum, breviter & proprie complexus est, magna dextitate constitutus & consignatus fuit.

Idem insuper summam diligentiam, & curam anxie & sedulo adhibuit, neqve conqvievit, donec

tandem ab illa gravissima, civitati a R. Maiestate indicta inulecta insignis summa remitteretur: pro pugnaculumq; maximo civitatis detimento & danno ad Dunam a R. M. exstructum, demoliretur. Senatus & exules quorum primus tunc Ekius fuit restitueretur. Ad hæc tanta merita etiam hoc quasi corollarium addidit, vt proscripti & seditionis, pœnas scelerum luerent, superflites Danaum reliquias, & omnes civitati sese opposentes reprimierentur. Hac tanta illius prudentia, fide, diligentia commoti, quam nobis toto quadriennio probavit, dum supremum Secretarium ageret, munus Syndici illi detulimus, quod etiam IX annos pari studio, maximo universæ civitatis emolumento & commodo, fideliter unus & solus administravit.

Non n. prißina solum & vetera civitatis privilegia, per S. R. M. augeri curavit, sed nova etiam; eaque singularia & magni æstimanda impetravit: in quibus octodecim fere articuli ante hac multum & anxie desiderati, restituti, inque certum ordinem digesti, conspiciuntur.

Vatinianum odium in omnes civitatis hostes geslit, Suburbium in eum ordinem redigit, quem etiam Capitaneus Arcis D, Thomas ab Embden, propriæ manus subscriptione & Sigilli appressione approbavit.

**Controversias Civitatis omnes quotquot hactenq;**

fuerunt, per Regia Decreta feliciter expedivit. Toto denique officii sui tempore totius civitatis causas civiliter agitatas, ita egit, ut nulla vñqvam civitas ceciderit: sed cum maxima uominis sui laude. semper omnes obtinuerit.

Effecit quoque diligentia sua informatione Cancellariæ Regiae data, ne mandatis & citationibus amplius gravaretur civitas, id quod cum suo magno detrinento annis superioribus fuit experta. Præter ea in civitate nostra novam tutelæ administrandæ rationem, nec non expeditum causarum forensium referendarum ordinem, antehac quidem inusitatum, maxime tamen necessarium primus introduxit, & utilem præterea Cancellariam inslituit.

Consistorium & scholas restauravit, utique initium Bibliothecæ per illum factum succresceret, Typographiam non parvis sumptibus propriis primus invexit, & ipsi officinam librariam, mediocreiter instructam adiecit, & ad alias laudabiles civitatis ordinationes inslituendas manu nos quasi duxit, Atque ita omne suum studium, ingenium, omnem operam - cogitationes eumq; mentem deniq; totam, in unius civitatis incrementum salutem & emolumentum contulit.

Præterea Nobilitat. Livonicam dissidentem cum civitate coniunxit, qua in re, orationib; suis Latine Germanice & Polonice habitis, & literis vltro citro- que datis magnopere civitatem iuvit.

Sobrietatem adeo stricte semp. obseruavit, ut a nemine, intemperantiae, aut alicuius alterius vitii nomine vnguam accusari potuerit.

Qvo circa, eximiæ suæ eruditionis, ac singula-  
ris fidelitatis, diligentiaq; & temperantia enco-  
mium non a civitate tantum retulit, sed toti pro-  
vinciæ & exteris ita innotuit, & tantam nominis  
suo laudem comparuit, vt non tantum Nobilitas  
Livonica, sua studia in illum converterit, & ope-  
ram illius, in rebus suis, maxime expetiverit. Sed  
& ipsa R. M. gravissimum Legationis munus a-  
pud Electores quosdam & Principes Germaniæ  
expediendum illi coumisit. Qvæ legatio, quam  
grata Regiæ M. accidet, hinc perspicere licet:  
quod reversum in Livoniam larga & honorifica  
pensione annua illi prospexerit.

Nec silentio præteundum est, quam bene-  
volentia, quam propenso studio Ill. Dns Dns Za-  
moscius Regni Cancellar. aliiq; Proceres & He-  
roes, eximiis illius dotibus atq; virtutibus fave-  
ant. Qvæ virtutes bonis quidem, magis ac ma-  
gis ipsum amabilem & admirabilem reddebant,  
in malevolis vero, & invidis odium singulare ac-  
cendebant.

Cum itaq; & laboribus maximis, & itinerib; atq; legationibus periculosissimis satis iam satis  
perfunctus esset, & se iam debilitatum, atq; virib;  
exhaustum sentiret, vitam deinceps quietam sine

ullo labore, & contentione traducere cupiebat: igitur se donari rude s̄epissime postulabat. Attamen studio erga patriam flagrans, petitionibus & precibus nostris, tantum concessit, vt huc usque operam suam in continuando officio suo, sine ullo tædio præstiterit.

Quia propter ut pro his plurimis & eximiis erga Reimp. nostram & Patriam meritis, grati & memoris animi nostri significationem illi exhiberemus, nec solum illi, sed posteritati eius consuleremus, & meritorum eius memoriam in reliquum etiam tempus propagaremus, hoc scriptum consecimus quo testatum esse volumus, & libenter, atque vere & ex animo pollicemur, ac deferimus Duo Hilchen ac eius posteris, quicquid in illorum commodis & ornamenti amplificandis a nobis proficiisci poterit.

Et quoniam nos universos & singulos post mortem suam hæredum suorum supremos tutores instituit, quicquid a nobis ea in re fieri voluerit hoc totum promittimus, ac recipimus, nos sanctissime observaturos, & diligentissime facturos, omnianq; provisuros, & collaturos eius liberis, aliquod quæcunq; emolumentum adferre poterunt.

In priinis vero Davidem filium eius, quantum in nobis erit, & quacunq; in re poterimus omni studio iuvabimus.

Et quoniam omnibus nobis mors quotidie immi-

net, & propter vitæ brevitatem nunquam posset  
longe abesse, si D. D. Hilchen Sec. R. M. nobis  
ereptus fuerit: & David filius eius una cum matre  
sua habitare voluerit in vrbe nostra, tunc eos a  
contributione civitatis, censuum vigilium vallo-  
ruimq; custodia, liberos, exemptos & immunes  
esse debere decernimus. Ipsi qvoq; Dno Davidi  
Secrto, cum e vita discesserit. & ex hac miteria-  
rum valle migraverit, in perpetuam eius memo-  
riam, elegans, & innumeris eius meritis conve-  
niens Epitaphium posituros nos, sancte pollice-  
mur, praesentibusq; testamur, atq; in huius rei  
fidem Sigillum Civitatis ex certa scientia nostra  
bisce applicari curavimus. Actum Rigæ x Febr.  
Anno MDXCVIII.

### FORMULA CAUTIONIS.

Quam Eckius iudicium metuens, nomine Senatus,  
antequam dimitteret proposuit, sed extorquere  
non potuit.

Ap instantiam Ill. Magn. Dni Geor, Fahrensba-  
chii Palatini Vend. Nobilitatisq; Livonicæ bellici  
Præfecti, nec non Generosorum Io. Gotthardi a  
Tisenhausen, Nobilitatis Livonicæ Marschalci  
Henr. Ramelii, Conr. Taube, & Melchioris ab  
Hoveln nomine Nobilitatis Livonicæ factam,  
spectabilis Senat⁹ Rig. cautionem per generosos &  
nobiles Dnum Francisc⁹ Neusted Proconsulem &  
D. D. Hilchen Secr. R. M. in causa contra spectab.

Iac. Godemann. oblātam acceptavit, ita nimirum ut præfatus D. Proconsul, commemoratusq; Dn, Secr. sint obligati, caveantq; in solidum, qvod D. Syndicus sex septimanis post comitia Rigæ personaliter iudicio se sistere, omninoq; comparere debat ac velit. Interim vero erga D. Doctorem & qvemcunq; alium in hac Civitate pacate fese gerere, sibiq; inanu oreq; temperare debebit. Similiter etiam D. Doctor cavebit, seqve pacate geret, neq; ullam offensionis ansam prædebet.

Etsi interim sive nunc in præsenti, sive subseqüenti tempore post exitum Comitiorum, inter partes litigantes amicabilis compositio tentata furerit, eaq; præter expectationem non successerit, nihil tamen propterea qvicquam partium iuribus derogabit. Porro D. Secretarius Regius & Syndicus durante officio suo vigore obligationis suæ, qvæ spect. Senatui & Civitati adstrictus est, talem se erga spect. Senatum & Civitatem universam in expediendis Civitatis negociis gerere debet, & vult, qvalem esse fidelem Syndicum decet, & plane eundem quæm hactenus quemque Senatus, non aliud quam Virum bonum esse profiteretur, deinceps quoque præstare se tenebitur, nullaq; re qvæcunque etiam illa sit, hunc cursum suum impediri patietur. Nulli insuper civium aut incolarum huius Civitatis sive clam sive aperte obesse, pec ut qvisquam alius illi noceat, permittere debet,

ide[m]q[ue] in omnib[us] aliis qvibuscunq[ue] rebus, si-  
ve sint generales sive speciales, officium suum ea  
fide, qva hactenus explebit. Senatus vicissim  
convenientem eius rationem eo qvo par est modo,  
qvove Senatus se illi obligavit, habiturus est, nec  
vllis illegitimiis detentionibus illum amplius pre-  
met. Qvod vero nunc per biduum hic detentus  
fuerit, ipso id libere volente, rectiq[ue] sibi con-  
scio, nullumq[ue] ius extimescente factum est.  
Haud qvaquam igitur id illi fraudi esse vel potest,  
vel debet. Atq[ue] h[ec] qvæ iam commemorata sunt,  
vniversa & singula observari debent, æq[ue] ab ipso  
D. Secretario, qvam prædicto D. Proconsuli sub  
obligatione bonorum tam mobilium qvam immo-  
bilium in & extra civitatem sitorum, cu[m] renun-  
ciatione omnium exceptionum, nominatim vis  
& metus, similiumq[ue] qvocunq[ue] nomine de iu-  
re ex dici excogitariq[ue] poterunt, omni fraude  
remota. In evidentiā veritatis vterq[ue] tam D.  
Proconsul qvam D. Syndicus huic præsenti cau-  
tioni propriis manibus subscriperunt, & Sigilla  
sua de certa scientia appresserunt. Actum &  
Datum Rigæ XV Januarii Anno MDC.

*Paragraphus ex Juris Livonici Lib. 3 Cap.*

*6. exscriptus quo secunda criminatio ad-  
versariorum falsa esse demonstratur.*

Judices Tribunalis Venden. secundum Constitutio-  
nem Regni iudicabunt omnes & singulas causas per ap-  
pellationes, Remissiones & alio qvovis modo ad Co-  
mitia vel post Curiam devolvi solitas. Exceptis ta-  
men causis Fisci & Civitatum Livonicarum, qvæ Re-  
gali Judicio reservantur. Edit. 4 Octob. An. 1599.  
in generali Commissione Livoniæ.

### TESTIMONIUM

*Commissariorum, quo tertia obiectio, fita  
esse ostenditur.*

Sacræ R. Maiestatis omniumqve Ordinum  
Regni Poloniæ Magniæ Ducatus Lithuaniae  
et delegati in Livoniæ Generales Com-  
missarii

Notum testatumqve esse volumus omnibus has-  
ce literas nostras lectruris aut inspecturis. Qvod  
cum integrum fere annum in lustranda Livonia,  
& ad debitum ordinem reducenda ex generali  
Commissione tam a S. R. Maiestate quam ordinib-  
us Regni demandata, consumserimus, inter cæ-  
teros Collegas nostros generosi D. Davidis Hil-  
chen S. R. M. Secretarii & Terr. Venden. Notarii  
singularis fides indefessus labor, summaqve in-  
dustria emituit, talemqve se nobis præstavit, qui  
non solum iudicio nostro, sed omnium etiam e-  
orum, qui hisce negotiis interfuerunt dignus fit,  
qui iustis ac debitis præmiis a S. R. M. & ab uni-  
versa Republica afficiatur. Neqve n. vllum vn-  
quam diem vacuum a labore habuit, sed in omnes

partes totius negotii conficiendi, Jurisqve Livonici componendi intentus, tantam operam ac industriam adhibuit, vt quæcunq; illi essent a nobis demandata, non solum summa diligentia exempleret, sed in perpetuis laboribus desudando, ne valetudini quidem suæ parceret. Cuius sane industriam, ac tam singularem perspicientes fidem, dignum maxime esse iudicamus, quem et S. R. M. gratia sua prosequatur, et universi Ordines Regni virum bonum ac de Republica bene meritum iudicent, ac iustis præmiis dignum reputent. In cuius rei fidem præsentes manibus nostris subscripsimus, & Sigillis nostris communiri iussimus. Datum in Arce Rigenſi die 4 Mensis Octobris Anno D. Millesimo quingentesimo nonagesimo nono.

Jo. Dem Solikowski. Leo Sapieha M.D. Matthi. Lenick Archiep Leopolin. Lith. Cancellar. Castell. Dorpat. Georg. Schenking Pett. Ostrowski Bertr. Holtschuer Castell. Vend. de Ostrow, Succamerat Dorp.  
Joannes Wilczek Seqr. Regius.

### LITERÆ

Illni Domini D. Joannis ZAMOSCHI de Zamoscie, supremi Regni Poloniæ Cancellarii & Exercituum Generalis &c.

*Quibus post causæ expositionem, Senatum Rigensem ut quam primum negotii eius sopiendi, honesteque Notario Terr. Venden. satisfaciendi rationes quærant, sedulo hortatur.*

*Speciales & famati Domini,  
Amici charissimi.*

Qvanto studio D. V. Civitatemque illam prosecutus semper fuerim, puto nullis locupletioribus testibus, quam illis ipsis opus mihi esse. Cum n. ita semper iudicarim, magno civitates, Regnis omnibus ornamento esse, merito illa civitas commendata mihi semper fuit, qvæ & præcipuum in Provincia ea ornamentum Regni & Magni Ducatus Lithuaniae esset, & de cuius erga Reg. Majestatem, & Rempub. fide, præclara semper pollicitus mihi fui.

Cum autem mea sponte ita semper animatus erga eam essem, tum vero chariorem etiam quodammodo eam mihi facere solebat, generosus Dav. Hilchen Syndicus Civitatis, nunc Regiae M. Secr. & Notar. Terr. Vend. partim fidem erga R. M. & Rempub. prædicando, partim morum gravitatem & constantiam, aliaque decora & ornamenta eius commemorando. Quo molestius nunc a me ferri facile ipsæ iudicare possunt, tanta eum hominem iniuria illic affectum se queri, quem quidem multis maximisq; rebus optime de civitate illa meritum, ipse testari possum. Amare eum cœpi primo ob singular. eiq; virtutem, ingenii elegantiam atq; dexteritat. amo nunc etiam, cum ob eas animi dotes, tum ob eximiam eius, in prim. quidem in R. Mtein ac Remp. tum non minus in

civitatem eam, quam semper perspexi, fidem,

In quo meo erga illum amore, non obliviscendum tamen mihi putavi pristini in civitatem studii mei: cumq; ipse primum causam suam ad me detulisset, illudq; maxime postularet, ut citationes illi ederem, quibus iniuriam suam prosequeretur: quod et iustissimum est, et vix ulli negari potest: postea vero civitatis eius nuncii me appellassent, in communi meo erga vtrumq; studio, amicos aliquos diligendos prius putavi, qui causa cognita, rationes aliquas intra privatos potius parietes negotii eius sopiendi tentarent. Nuncios D. V. in eo totos persistere animadverti, quod, cum Senatum Judicis partibus in ea causa functum dicant, nihilq; ei cum Senatu negotii sed cum adversario intercedere, a quo, si quid iniuriæ habebat, Senatum ei ius dicturum: Senatus autem nomine quicquam agendi, nulla se mandata habere. Hilchen e contra primum quidem non integrum Senatum incusat, sed paucos aliquot, qui plerisque vel contradictoribus, vel insciis, Senatus nomine, & auctoritate illa administrarint. Sed tamen cum Magistratus nomine omnia ab illis acta sint, ita pleraq; administrata ab illis esse, ut ex iudicibus ipsi partem se fecerint.

Cum n. duabus maxime ex causis iudex alienam causam suam facere soleat: una, si contra

ius quicquam ab eo suscipiatur aut decernatur: altera si vel communicatam instructamq; cum parte causam habeat, aut plus favoris gratiæq; vni parti, quam alteri tribuat. In hac causa ita multa colligit, quæ & contra ius partim publicum, partim municipiale ipsius civitatis acta sint, & ex quibus non solum instructam rem cum parte, sed peculiarem etiam favorem quendam in partem demonstret, ut multis verisimile faciat, non modo ipsum adversarium suum, sed non minus, qui eius rei iudices se fecerint, gravem eius iniuriaz causam sustinere.

Primo summa cum ignominia sua, nomen suum receptum, ipsumq; se detentum in custodia fuisse demonstrat, legitime prius non citatum, nullo termino præfixo, nulla deniq; re, quæ in iudiciis præcedere solet, legitime præmissa aut interposita; receptum fuisse contra se atrocissimum proditionis crimen, præter omnem opinionem & expectationem, ab homine externo nullasque possessiones habente, sibi obiectum, nullis item cautionibus prius ab eo exactis, & receptum ita fuisse crimen illud contra eum, non solum contra publicum, sed privata etiam, quibus civitas uratur, iura. Vnum quo accusato, nulla omnino re gravato, dum crimen in eum probetur, Accusator quoad obiectum alteri crimen probasset, loco seipser per moveri solitus fuerit.

Alterum, qvo receptum esse dieit, vt qui negotii publici aliquid gessisset, si post legitimam eius in Senatu renunciationem diuidius annus effluxisset, nihil amplius eo nomine molestiae exhiberi ei posset. Receptum denique fuisse contra ipsum publicum testimonium Civitatis, qvod amplissimum ei tribuerint, qvo non modo ab omni suspicione perfidiæ eum liberant, sed summis etiam ac veris tamen laudibus ornant, immortalesq; negotiorum ab eo administratorum nomine gratias illi agunt, ita, vt in tali re non modo iniuria aliqua gravi eum affici, sed hominis præsertim externi & ignoti delationem huiusmodi ne admitti quidem omnino, aut mentionem eius ullam fieri debuisse contendat. Qvod n. Nuncii D. V. vltro eum se iudicio illi submisso, custodiāmq; subiisse, atq; in instanti crimen se purgaturum obtulisse retulerunt: contra id, prium extraiudicitaliter, id est, absente parte, impatientia criminis obiecti, conscientia sua frētum ei rei se obtulisse, non secus tamen ac si pars adfuisset, ab iis qui iudices se eius causæ fecerint, acceptum fuisse: sed tamen et a se certis conditionibus iudicium illud fuisse suscepsum, et sacerorum eius collegam D. V. submissioni ei, ad quam ardore quodam sui purgandi progressus fuisse, in continenti contradixisse, et postea cum per factionem ad opprimendum circumveniendumque se, omnia

fieri animadvertisset, ipsum etiam revocasse.

Jam vero instructam & communicatam cum adversario eius rem fuisse, non minus multis rebus demonstrare conatur.

Qvod aliquot septimanis ante, libellum eum, qui ab adversario obiectus ei fuisset, cum iis, qui iudices se in ea causa fecissent, communicatum iactatumq; inter eos fuisse, docere se posse dicat. Qvod cum alia de causa vocatus in Senatum venisset, sententiæq; alia de re dici cœptæ fuissent, adversarium eius, qui alioquin ab aliquot septimanis Senatu abstinuisset, ex instituto, quasi in Senatum vel accitus, vel admissus, repente nulla oblata alia causa, ut instructam omnino rem appareret, gravissimum crimen illi obiecisse: qvod quamprimum in Prætorium venisset, ianuæ omnes præter morem, mox clausæ fuissent, exitusq; omnes præclusi, stationes militum, qui ipsi etiam ante præsto esse iussi fuerant, mox dispositæ: Prætorium custodiis septum fuerit: ad Magnificum Dn. Palatinum Venden. missum, ne patrocinium eius fusciperet: cives ad arma convocati, non secus ac si Moschus ad portas esset: portæ civitatis clausæ: familiares amiciq; in primis que ex Nobilitate aliqui, maxime vero propria viror eius, ab aditu eius, qvod vix damnatis iam accidere solet, prohibiti: voces, de vita ipsius actum esse sparsæ; aliaq; non pauca, ex quibus

it necem eius omnia instructa pacta parataq; fuisse  
 docere contendit, quemadmodum etiam apertum  
 favorem, qui alteri parti praestitus sit. Cui si  
 omnia secum paria praestita fuissent, & ita nim-  
 um tributum illi videri posse, si homo externus  
 nullis certis sedibus, cum civi & in urbe, & fo-  
 ris possessionato: ignotus cum optimo merito,  
 privatus cum Commissario Regio Nuncioq; & No-  
 tario terrestri, ipsoq; Nobile comparatus fuisse.  
 Jam vero non solum exequatum secum fuisse,  
 sed multa praे ipso Hilchenio aperte gratiae signa  
 profecta in eum fuisse: primo cum tam atrox  
 crimen ei obiecisset, iureq; ac more pristino re-  
 moveri, dum crimen probasset, debuisset, non  
 modo auditum fuisse, libenterq; auditum, sed  
 quod illi evenire debebat, in Hilchenium iis meri-  
 tis, atq; fide hominem conversum fuisse, summaq;  
 iniuria in summum periculum vocatum: libellum  
 famosum ab illo ei obiectum, et si copia eius pro-  
 missa Hilchenio fuisse, postea tamen negatam,  
 & ne dum quidem communicatam cum eo, sed  
 accusatori restitutam fuisse: cum ab Hilchenio  
 soceroq; ipsius per vim & metum cautiones iu-  
 dicio iterum fissi, extortæ fuissent: illum homi-  
 nem externum, & nulla vel possessionum vel fi-  
 dei pignora in provincia ea habentem, sine ullis  
 cautionibus diuinissimum, honorifice ex Senatu de-  
 ductum, publiceq; apud populum laudatum fuisse

ad extre<sup>m</sup>um post discessum Hichenii, eo absen-  
te non vocato aut citato, inqvisitionem de eo in  
plerosq; familiares, convictoresq; ipsius institu-  
tam, vt cum Adversarius nihil in eum reperire,  
aut probare posset, - Magistratus auctoritate, si  
qvid forte in eum probabiliter conqviri posset,  
contra eum armaretur.

Hæc qualia sint, non dubito, qvin D. V. pro  
prudentia sua facile ipsæ existimare possint: qviri-  
tatur homo, & publice & privatim de civitate op-  
time meritus: eum & Commissionis munus, vt  
ea nondum renunciata, nondum deposuisset, &  
munere Legati Nobilitatis fungeretur, hisce iniu-  
riis se affectum. Pro meo igitur in civitatem animo,  
cum Nuncii D. V. mandata hisce de rebus se habere  
negassent, non intermittendum mihi putavi, qvin  
ad D. V. ipsas etiam hac de re aliqvid scriberem,  
atq; illi qvidem, Nunciis D.V. negotium, ad D.V.  
relicientibus, citationes ad ius confugienti diuti-  
us non potui denegare. Sed tamen, modo D. V.  
ipsæ voluerint, non defutrum etiam citationibus  
editis prius quam in iudicium Regium causa vo-  
cetur, tempus D. V. puto negotii eius, qvod ci-  
vitatis causa maxime cupio, componendi. In  
primis autem, vt cautiones eas, qvas dicit, cum  
exitus omnes præclusos, militum custodiis Præ-  
torium septum, cives ad arnia vocari, voces mor-  
tem præsensq; exitium sibi minantes, ad se deferri,

omniaq; infensa, periculumq; sibi intentantia vi-  
disset, per vim ac metum a se expressas, postea  
mox ac libertati restitutus esset, se revocasse, ne-  
que eas subscriptissimæ, tanquam contra ius exactas,  
tollant, rescindantq; ve, non modo auctor D. M.  
sum, verum etiam atq; ve etiam eas hortor: deinde  
vero vt partim superiorum tricarum, partim qvæ  
ex hoc ipso negotio difficultates existere possint,  
memores, ipsæ potius qvam primum intra priva-  
tos parietes negotii eius sopiendi, honesteq; illi  
satisfaciendi rationes qværant. Ex qvo' consilio  
meo qvemadmodum benevolentiam erga se meam  
facile D. V. perspecturas mihi persuadeo; ita ini-  
niue futurum existimo vt consilii huius mei vn-  
qvam D. V. pœniteat. Qvas optime valere cu-  
pio, Datum Varschaviæ die VI Mensis Martii,  
Anno M. DC.

Spectab. D. V. amicus studiosissimus

Joannes Zamoiski R. P. C

Et Exercit. Reg. General.

## LITERÆ

REVERMI ET ILLMI D.

DOMINI PETRI TILICKI EPISCOPI tum

Culinen. nunc Cuiavien. R. P,

Vicecancellarii &c.

Ad eundem Senatum Rigensem.

*Speciales & Famati Domini Amici charissimi.*

De negotio Generosi Davidis Hilchen Syndicis D. V. nunc Secretarii Reg. Maiestatis & Notarii terrestris Venden. cum Illustrissimus D. Regni Cancellarius & Exercituum Generalis, diligenter ad D. V. scribat, nolo longior esse: scribendum tamen aliquid & ipse putavi. Doleo hunc casum intervenisse: semper n. singulare eius in civitatem studium, inque curandis negotiis eius fidei atq; diligentiam perspexi, quae vel in hac ipsa Commissione Livonica expedienda abunde a me præstata animadverte. Tum vero nolle civitatem in difficultates aliquas se induere, & ad novas contentiones devenire, cum quantum opere ex huiusmodi contentionibus superiore tempore afflita atque perturbata fuerit, optime meminerint. Itaque cuperem D. V rationes aliquas honestas reperi, intra privatos potius parietes negotii eius sponendi, quam ut litium anfractibus, & novis turbis se civitatemque intricent. Qvod pro prudenter sua facturas non debito, & ego pro meo erga illas studio, id ut faciant, diligenter etiam D. V. video, easque optime valere cupio. Datum Varsoviæ die XI Mensis Martii A. MDC.

Spec. D. V amicus studiosissimus

Petrus Tillicki Episcopus  
Culmen. R. P. Vicecancellarius.

ILLIS AC MAGNIS D. DOMINI  
STANISLAI ZOLKIEWSKI  
Castellani Leopolien. & Campestris Exercitus  
R. Praefecti.

*C O M M O N I T I O*

Ad eundem Senatum Rigensem.

*Spebiles Domini Amici charissimi.*

Generosi Domini Hilchenii Secre. Regii & Notarii Terr. Vend. causâ plurimum cupio: virtus & eruditio ipsius coniunxerunt me illi, tum industria & studium in negotiis civitatis Rigen. in Comitiis tractandis, suscepitam illam meam benevolentiam confirmarunt. Audio a parvis initiis ventum eo esse, & propemodum indicta causa, vt fortunarum, famæ vitæque discrimin adierit, & eorum opera, de quibus ille est bene meritus. Intellexi Illustriſſ. Dominum Cancelarium & Generalem Exercit. Regni Praefectum, negotium hoc commisisse cum D. V. tractandum, Generosis Dominis Petro Firleio Palatinidæ Cracovien. Petro Lascz, Joanni Schortz, Succamerario Mariæburgen. & Hilchenius aliud nihil cupit, quam audiri. Non video causam, quam ob rem D. V. recusare hoc deberent. Naturam suam causâ non mutat, & quod semel est

per se ipsum æquum, quale est non definit esse: si iniustam causam habet, illustrabunt D. V. æquitatem suam: sin minus: interest, ut innocentia illucescat, quæ oppressa elucere non potest, nisi diligens cognitio rei totius intercedat. Res omnium vestrum agitur. Multa fert dies; multa turbat temeritas fortunæ. Rogo ut hanc causam æquitate metiantur. Rem gratissimam mihi facient. Hominem amicum deserere, qvoad ius illi suppetit, non possum. Bene valere D. V. cupio. Datum Volmarie II. Januarii Anno M. DC. II.

Spectab. D. V. amicus studiosiss.

Stanislaus Zolkiewski Castell.

Leop. & Exerc. R. Praefectus.



### EPIMETPON.

Ne, qvod supereft spatium, vacuum relinquantur subiungamus forsan Lectori non ingratum, Epistolam seqventem Hilehenii lugentis, antea nunquam formulis typographicis expressam, quæ cum aliis in suis Epistolis ab curiositatibz amanti, magna diligentia collectis, descriptis & ab interitu servatis, qvasqve ipsi habemus, leguntur: Pag.  
223 & seqventi.

NICOLAO DANIELOWICIO  
REFERENDARIO CAPITANEo Drobicens. &c

Status Causæ ex Clypeo cognosci poterit. Qvod si is prolixiore esse videatur: vel solius Ill. Samoscii iudicium, qvod Clypeo annexum inter documenta conspicitur, instar omnium esse poterit. Orator quærendus est, qui nomine nunciorum in Senatu æqvitatem causæ meæ commendet: non obiter sed efficaciter. Argumenta illi suggererem. Artificium verborum illi quærendum esset. Cui centum Floren. mox, & totidem, re feliciter perfecta, annumerabo. Tædet n. me huius misericordiæ, quam patior omnibus rebus exutus ob fidem Reipubl. conservatam. Ut quicunq; Marschalcus futurus sit, diligenter commender. Certe vel ipsa significatio sui de hac causa iudicii Magnificentia V. erit omnium gravissima. Ne quicquam vel publice vel privatim Rigenibus tribuatur, prius quam rem, mecum vel Jure vel compositione finiverint. Judicium fugient: arbitros quærere pudet eos: auctoritate publica vel et privata, si dentur, non abnuent. Sat scio Ill. Dn. Capitaneus Samogitiæ, rebus meis ob summam 12000 Fl. quam bonis Bersonensibus, quæ ille quasi vacantia in Livonia, tenet, obstat. Ille conciliandus esset. Fecit hoc ante Ill. Palatin. Kyoviens. & verbis tuam ille mihi benevolentiam firmavit. Rem desidero. Si finem

impetrare non possim , vt mihi discedere in alterius  
cuiusdam vicini Principis fidem atq; ditionem liceat,  
Hactenus gravitatem incommodi mei satis patienter  
tuli. Sed certe nimis acerbe mecum agitur ; cui tan-  
tum abest , vt aliquid pro meritis additamenti detur,  
vel et propria mea bona mihi non restituuntur , nec  
stipendiolum 300 Fl. qvod a S R. M. assignatum ha-  
beo . mihi exolvatur ; Omnia nunc sunt misera-  
ra . at me nihil miserius.

JOANNI ERNESTO CALBIO Lib. V. Ep 269.

Optime mi Erneste ! Gratulationem tuam ample-  
ctor eo affectu quo scripta est . in finitionem causæ istig  
satis iam satis ductæ. Deus det tibi etiam qvod sit bonum  
& salutare. Sic aditus ad laudem difficiles non ha-  
bebis. Consulis me de itinere vna mecum in Patriam  
fusciendo Ego vero incertus sententia adhuc hæreo.  
Et si ivero liberis hic relictis , parvo cum comitatu avo-  
labo. Non commoverem me hinc , nisi debitorum  
qvorund. fides debilitata esset. Nihil ergo te abripiat  
a studiis qvacunq; specie. Patriæ status tristis adhuc est.  
Denuo Carolus Pernaviam obsidione premere dicitur.  
Riga gemit. Brevem a me Epistolam habes : sed mea in  
te voluntas & benevolentia prolixior est. Tuos , qvos  
colis, in primis vero Ilrem Dn Palatinidem a me pluri-  
mum iubeas salvere. Vale in Orisloviano XII Sept. 1609

Ibid 28 Jul. 1609. Jo. Schinio Rectori Samosc. " A  
te gratulatiunculam expesto , de felici causæ meæ ex-  
itu " Ibid P.505. Josepho Sceniczky Kal. Aug. " De  
causæ meæ victoria contra Rigenses obtenta , ne ver-  
bum qvidem egi tecum. Si vis mittam Decretum ,  
sed gratulationem a te poscam ; elige itaq;e vtrum  
velis. Tu nolles hætri mecum , qvi condolere  
mihi visus es semper. "

